

GO LEMOGA LETŠATŠI LA GAGO LE MOLAETŠA WA LONA



Meso ye mebotse, bagwera. A re feleng re eme lebakanyana feela.

Modimo wa lerato, ge re, mo bophelong bja kgogakgogano le leptla potla, re eme mo dinakong di se kae goba iri, yeo eka bago yona, ye O re abetšego yona, go fa tumišo le letago go Wena, go rera Lentšu la Gago, go Go tseba bokaone, ke ka fao re kopanego mosong wo. Re a Go leboga, Modimo, ka gore go na le batho ba ba loketšego le bile ba itokišeditše go tla go theetša. Go sa kgathalege maemo le nako, gomme ye re phelago go yona, ba sa dumela. Gomme re Go leboga ka bona.

² Modimo, re Go thabetše ka maatla a Gago a magolo a phodišo, ditshephišo tša Lentšu la Gago. Dipelo tša rena di swa bjang ge re ekwa mabopaki a! Ka moka mefokolo ya mehuta yeo e tlišitšwego godimo ga barwa ba motho! Wena, gomme ka mogau wa Gago le maatla, le ka tshepišo ya Gago, o ba fodišitše. Gomme ba mo, ba paka, ba neela tumišo go Modimo. Re go lebogela se.

Gomme bjale a nke re, lehono, re kwe Molaetša wo O re filego wona o re fela iri ye. Ge re bala Lentšung la Gago, a nke O re fe tabataba ya seo re se balago. Dira gore thato ya Gago e dirwe dilong ka moka, ka gore re e kgopela ka Leina la Jesu. Amene.

Le ka dula.

³ Ke mongetla go ba mo mosong wo. Ke le thabetše kudu ka moka ga lena. Gomme Ngwanešu Woods, Ngwanešu Roy Roberson, banešu ba bangwe ba bantšhi, ba šomile ka potego matšatši a mabedi a go feta, go tlabakela moago wo ka moya wa botšididi ba direla marero wo, ka baka la gore Sontaga ya go feta ba bone ka fao la go tlaišega ka gona. Gomme ba be ba na le tšheletana ye nnyane ka mokotleng wa kereke, gomme ba ile ba ya go šoma ba e šomiša gore ba le dire gore le thekge ditho, ka tšhelete yeo le e beilego moneelong, ge le sa kgona go dula, la theetša Molaetša. Go fodile kudu lehono go feta maloba. Ka fao re thabela Modimo, le lena batho, ka sebaka se.

⁴ Thabo... Ngwanešu Roy Borders, o be a nyaka go dula morago ka morago mosong wo. Gomme ka mmošša gore a tšee setulo sa gagwe gomme a dule mo le badiredi ba, eupša ga se a ke a dira bjalo. Bjalo ka ge ka moka le tseba, Ngwanešu Borders o a re emela tšhemong. Re thabetše go ba le Ngwanešu Borders mo, le badiredi ba bangwe ba bantši le bagwera.

5 Mo bekeng ke—ke ile ka nagana, gomme ka re, “Ge ke theogela kua, Sontaga, ke ya go elelwa modiredi yo mongwe le yo mongwe, le motho yo mongwe le yo mongwe.” Ka gona ge o fihla mo, o tšee ga ka Molaetseng go fihlela o lebala tšohle, ka fao go bile bjalo.

6 Bjale ke swanetše go boela morago Arizona. Ke swanetše go boela morago Mošupologo wo o tlogo, beke, morago Tucson, go iša bana kua sekolong. Gomme ke boela mono ka morago ga fao. Gomme mohumagadi o swanetše go ba kua ka pele, go thoma...go ngwadiša bana, beke tše pedi pele ga ge sekolo se thoma. Gomme ke, ka gona, ke ya go boela morago mona lebakanya.

7 Gomme bjale ye ke nako ya ka ya maikhutšo. Ka ge le tseba, ke rerile go tloga ka Disemere; Janaware, Febereware, Matšhe, Aporele, Mei, June, le Julae. Bjale, ge Modimo a rata, gomme go se na le pitšo ye nngwe yeo e ikgethago, ke nako ye ke—ke—ke tšee ga maikhutšo, bokhutšo. Ke ya go tsoma. Gomme ke...

8 Bjale ge Morena a ka mpiletša go sengwe gape, dilo tšeo di a phumoga. Modimo ke wa pele dinakong ka moka. Gomme ke Mo nyaka gore a be wa pele, le wena o Mo nyaka gore a be wa pele. Eupša nako yeo ge go ka se be pitšo ye e itšego, gomme seo ya ba thato ya Gagwe, ke seo ke tla se dirago gona bjale dikgwetšana di se kae tše di latelago, ke go ya go tsoma bjale, go ikhutšiša. Ke...

9 Ga le lemoge, lefase le ka seke la ba la tseba, seo ke swanetšego go feta go sona. Le a bona? Gomme e fo ba seo se lapišago. Ga go makatše Morena o ile a botša barutiwa ba Gagwe, ge A be a sepela le bona, “Tlang le ikaroganye le ye leganatheng, khutšang lebakanyana.” Le a bona? Ke lemoga seo kudu, tšatši ka tšatši, le gona gagolo ge matšatši a ka a ntšhifala godimo ga lefase, le a bona. Ge ke tšofala, o a se lemoga. Le kwa modiši wa rena a re “amene” go seo, le yena. O, re, kgona go lemoga gore ga re bašimanyana ge re feta mengwaga ye maseme hlano ka bogolo. Bjale re swanetše go ba le nako ye nnyane.

10 Re thabetše mabopaki ao re sa tšwago go a kwa. Mohumagadi o be a le ka kua ga Mdi. Wood, maabane, ge batho ba bangwe ba kena go tšwa fase Alabama, mo gongwe tlase gona ka kua, gomme ba bolela ka dilo tše dikgolo tše Morena a di dirilego kopanong yela, tša ge bana ba bannyane ba fodišwa, le dilo tša go fapana. Gomme ka fao dilo tše ntšhi tše, nna, go no tšea nako ye telele go—go dira gore di bolelwe.

11 Gape ke swanetše go gopola gore...ke a dumela ba bangwe ba bona ba mpoditše gore Kgaetšedi Larson o be a le mo Sontaga tše pedi le ngwana yo monnyane. Ga se ka tseba, eupša ke a dumela ba ile e be e le setlogolwana sa

gagwe, mohlomongwe, go mo neela, o mo tlišitše go tšwa Chicago. Mohumagadi yo o be a re loketše kudu, gomme re a mo leboga. Gomme o tlišitše ngwana yo monnyane go tšwa Chicago, go tla go mo gafela. Mo, a bilego le nako ye nnyane go mo tšweletša, ke a gopola, gore a neelwe, eupša o kganyoga gore ngwana a neelwe go Morena. Ka fao ge Kgaetšedi Larson a ka, ge ke sa bolela, ge a ka no tliša ngwana yoo mo tirelong ya go neela.

¹² Gomme bjale, mohlomongwe, ge a sa lokiša, ke—ke rata gore wo e bile Molaetša wo mothatathata wo ke ilego ka leka go o lokiša, go fihla bošegong bja go feta. Beke ka moka, ke be ke eya phapošing, ke leka go beela thoko dipitšo tšaka le tše dingwe, go—go leka go hwetša se sengwe kgopolong yaka sa nako. Gomme ge ke tloga, ke—ke be ke sa kgone le... Mogopolo wa ka o be o se na le selo. Gomme, maabane, ke ile ka theogela motheong. Ke ile ka gopola gore go fiša kudu, ka fao ka ya ka kua motheong, ka dula fase fao. Gomme ke ile ka tšea Beibele ya ka gore ke bale, gomme ka otsela. Nako yeo ka tsoga ka nwa meetse, gomme ka leka go itšhišinya, gomme ka ya ka ntle gomme ka sepelasepela, ka dula leterapong.

¹³ Yo mongwe a tla a feta a ntanya ke sa apotše hemepe ya ka, ke dutše leterapong; go be go fiša. Ba emiša matsogo. Ga se ka tseba ge eba ba a emišitše... Yo mongwe, e ka no ba yo mongwe mo tikologong mo teropong, goba e ka no ba e le yo mongwe mo kerekeng, o nkemišeditše letsogo. Gomme ke—ke be ke nagana, ke—ke no lebelela koloi, e feta. Ka emiša letsogo.

¹⁴ Bošego bja go feta ke tsene ka koloing gomme ka ya go hlatlogela go dikologa Charlestown, ke leka go hwetša se sengwe. Morena, go bonala o ka re, o be a nyaka go mpotša se sengwe, eupša ka... Sathane o be a leka go ema tseleng ya ka, go nthibela go dira seo. Ka fao ka gopola, “Go lokile, ge a dira se, ke ile go tšwelapele ke letile, go tšwelapele ke letile, ke kokota lemateng go fihla A bula.” Ka fao dinakong di se kae tša go feta, goba eka ba ka moragonyana ga iri ya bošupa mosong wo, ke be ke tsogile e sa le bošego.

¹⁵ Maabane, ke babjanyana, ke leka... ke be ke jele mabele a a bego a sa kwane le nna gabotse, ke tloga ke fiša, gomme ke—ke be ke leka go e tšhabela. Gomme—gomme nako yeo mosong wo, eka ba ka iri ya seswai, ke ile ka no tšea Lengwalo le la go ntlaba. Gomme ke ile ka lebelela Lengwalo leo gape, gomme Le ntlaba gape. Gomme ka ya, ke Le latela ka Mangwalo, gomme ke sa tšwa go fetša metsotsong e se mekae ya go feta. Ka fao eka no ba gore Morena o re swaretše Molaetša, mosong wo, wo Sathane a bego a leka go o tloša go rena.

A o ka tliša yo monnyane yoo mo, Kgaetšedi Larson? [Ngwanešu Branham o neela ngwana. Mo go phumugilego godimo ga theipi—Mohl.] Modimo e ba le bona gomme o ba thuše.

16 Bjale ke be ke le swaretše, Sontaga sa go feta, matšatši a mabedi, gomme ke gopola . . . goba, ditirelo tše pedi, mosong le manthapama, gomme seo se dirile gore le thatafalelwe. Ke kušišitše gore e . . . Ba bangwe ba lena ba swanetše go ya kgole, gomme ba be ba lahlegelwe ke mošomo wa letšatši, bjalo bjalo. Ka fao le ge re eya go tloga Sontaga, Mošupologo, beke, ke tla no tsebiša tirelo ya Sontaga se se tlogo, ge Morena a rata, le a bona, ka ntle le ge phuthego eka nyaka gore go dulwe bošego. Le a bona, seo, se tšwa . . . Le ba bantšhi!

Ke ba bakae ba ba rego e be bošego bjo, a re boneng, re be le tirelo bošego bjo? Bjale, re ka upša re be le yona Sontaga ye e tlogo, emišang matsogo ba bangwe? Nna, e tswaletšwe. Uh! [Yo mongwe o re, “E tlemilwe ngwanešu!”—Mohl.] O reng? [“A e be dinakong tšeo ka moka.”] Uh! [Ngwanešu Ben Bryant o re, “Gomme, bošego bjo, baa le tše pedi.”] Bjale, bjale, Ben! [Ngwanešu Branham o a sega.]

17 Ke na le Molaetša wo, ke o motelele, mosong wo, eupša ga—ga ke tsebe gore bjang . . . Gomme ke a tseba ke thuša go dira melao ya kereke, eupša ka fale, ge o ka hlokomela, ke rile, “Ntle le ge ke theipa.” Le a bona? Ka fao, mo ke a theipa. U-huh! Ka fao mohlomongwe re tla leka go bowa dinako tšeo ka moka, bošegong bjo le Sontaga ye e tlogo, ka fao, e tla ge Morena a ratile, le a bona. Bjale, ge le sa hwetše molaetša beke ye, gona le tle Sontaga ye e tlogo.

18 Ke hloya gore le tle ga bedi ka tsela yeo, eupša ke ikwela gore ga re na le nakwana ye nngwe gape. Gomme e nong go gopola, ge nako e sepela, ga re ye go ba le maswanedi a nako ye telele. Le a bona? Gopolang, se sengwe se tla direga. E tla ba gore molao o tla re emiša, goba Sathane o tla tsena magareng ga lena gomme a le šwalalanya. Go be go no fela go e bjalo. Le a bona? Se sengwe se tla direga, ka fao a re lebogeng motsotso wo mongwe le wo mongwe wa ge re le mmogo.

19 Ka fao bjale go bao ba tlamagago go boela morago magaeng a lena, bošegong bjo, go tla swana le Sontaga sa go feta bošego, ke ile ka no ba le—le Molaetša wo mokopana. Gomme ka fao, o, ge o o nyaka theipi, ka baka la eng, ka nnete re tla go romela theipi ge e le gore o swanetše go boela morago gae. Goba, e sego, ke ya go rera bošegong bjo, ge Morena a ratile.

20 Ke bile le sengwalwana maabane, goba—goba letšatši pele ga maabane, Molaetša o monnyane wo ke o ngwadilego go tšwa kgopolang ka se sengwe, gomme o tšwa kgole kudu. Go na le Molaetša ye mebedi bjalo. Ke wa magareng, wo mongwe wa yona ke wa, “Boboloka meetse bjo bo dutlago,” goba eka ba, “Go bjale phefong gomme wa buna sesaesedi,” e no ba Molaetša wa Ebangedi. Mosong wo ke thuto. Gomme ka fo, bošegong bjo, nka bolela ka “Go bjala phefong gomme wa buna sesaesedi,” goba e ka ba ka, “Boboloka meetse bjo bo dutlago.”

²¹ Gomme, mosong wo, ke nyaka go bala go tšwa Mangwalong a Makgethwa bjale.

A le thekgile ditho? E reng, “Amene.” [Phuthego e re, “Amene.”—Mohl.] Gabotse.

Bjale ke rata le, ka mo Dibeibeleng tša lena, le bula le nna Pukung ya Hosea, bao le dumago go bala. Gomme a re baleng ditimana di se kae go tšwa go tema ya 6 ya Puku ya Hosea, moporofeta.

Gomme a re ka emelela.

²² Modimo yo a Rategago, ga re na le maswanedi go tšea Puku ye ka diatleng tša rena, gobane re bala Mangwalong gore ga go motho Legodimong goba lefaseng, goba ka tlase ga lefase, yo a swanelago goba le go no tšea Puku, goba le go no E lebelela. Oo, gomme fao gwa tla Yena yo a bego a swana le kwana yeo e bego e hlabilwe; O ile a tšea Puku, gobane O be a na le maswanedi, gomme A bula Mahuto a yona. Gomme re lebeletše go Yena mosong wo go utolla dipolelo nnete tše di ngwadilwego mo Pukung, ka gore ke Puku ya Topollo. Bohle ba ba lopolotšwego ba ngwadilwe ka moo. A nke re hwetše maemo a rena, mosong wo, mo nakong ye re phelago mo go yona. Gobane re e kgopela ka Leina la Jesu. Amene.

Tlang bjale, gomme a re boeleng go MORENA: ka gore o re gagogantše, gomme o tla re fapa; o re gobaditše, gomme o tla re tlemela.

Ka morago ga matšatši a mabedi o tla re amogela: ka letšatši la boraro o tla re emiša, gomme re tla phela ka pele ga gagwe.

Ka gona re tla tseba, ge re phegelela go tseba MORENA: go hlatloga ga gagwe go lokišitšwe bjalo ka moso; gomme o tla tla go rena bjalo ka pula, bjalo ka pula ya pele le ya morago go lefase.

O Efraim, nka go direla eng? O Juda, nka go direla eng? gobane go loka ga gago go bjalo ka leru la mosong, le bjalo ka phoka e tlogago e sa le bošego.

Ka fao ke ba matlotše ka baporofeta; Ke ba bolaile ka mantšu a molomo waka: gomme dikahlolo tša gago di bjalo ka seetša ge se etšwa.

Gobane ke kgahlwa ke mogau, gomme e sego sehlabelo; le tsebo ya Modimo go fela meneeloya go fišwa.

Eupša bona go swana le banna ba tshetše kgwerano: ba—ba hlanogile ka boradia kgahlanong le nna.

Gilead ke motse wa ba ba dirago bokgopo, gomme o pharapharilwe ke madi.

Gomme bjalo ka dihlopha tša bahlakoadi di laletše monna, ka fao sehlopha sa baprista se bolaya ka tsela ya go lalela: gomme . . . ba dira tša dihlong.

Ke bone selo sa makgapa ngwakong wa Israele: go no le bootswa bja Efraim, Israele o tšhilafetše.

Le wena, O Juda, o rometšwe puno go wena, ge ke bušitše batho ba ka bothupša.

²³ Morena Jesu, ntšha go tšwa go Ye, ka Moya wo Mokgethwa wa Gago, kgwekgwe ya taba ye e nepilwego, ge re Go letile go ya pele. Ka Leina la Jesu. Amene.

²⁴ Bjale, taba ya ka mosong wo ke: *Go Lemoga Letšatši La Gago Le Molaetša Wa Lona.*

Re a bona go tšwa thutong ya Sontaga sa go feta, ka ge re rutile, *Monyanya wa Diphalafera*. Gomme ke rata go bitša go kgopolokeledi ya lena, bjale, nako—nako ya Israele ka mo nakong ya Modimo.

²⁵ Re swaragane lehono le thuto ya sekolo sa Sontaga, mo ke ratago gore le lemoge le be le tsebe nako yeo re e phelago. Re no ba kgauswi le go fetša, bjalo ka ge le bona. Gomme bjale, ka se, le tla tseba yona iri le nako, le seka le Molaetša wo le tlogo go amogela.

²⁶ Bjale, ka ge re thomile Sontaga ya go feta . . . Re be re bolela ka go ya go rera ka Diphalafera, Diphalafera tše šupa tša mafelelo tša Beibele. Gomme nna, ka mo go nna, ke be ke gopola gore di tla bulega go no swana le Mahuto. Eupša ke ile ka lemoga gore go ye nngwe le ye nngwe ya dipulego tše go be go na le se segolo se se diregago.

Gomme bjalo ka ge re rerile *Mabaka a Diphuthego tše di Šupago*, gomme di be di phethagetše go fihla ge Moya wo Mokgethwa Ka Boyena o theogela magareng ga rena go tla go e hlatsela, gomme o e bea dipampiring, gomme wa e foša go putlaganya setšhaba, gomme o e laetša ngwedding magodimong, gomme o e netefatša go rena, dibeke le dikgwedi pele e direga, ka wona mkgwa wo e tla bago ka wona, ka phethagalo. Mo ka mo tabarenekeleng O e tsebišitše. Mo godimo ga . . . mo nakong, O e tsebišitše. Ngwedding le letšatšing, O e tsebišitše. Gomme leemong la setšhaba mo nakong ye, O e tsebišitše; ge tatelano ya ditulo ya Roma e sepela e boela morago Palasetena, keletšong e be e le mopapa wa mathomo morago (ba ukama bjalo) go tloga mola Petro e bago mopapa. Bjale, e be e le ye kgolo!

²⁷ Nakong yeo, le a bona, pele ga Mahuto a a šupago a a bego a utile diphiri ka moka.

Nna ke sa tsebe seo ke bego ke se ngwala letlapeng, ka nako ya Diphuthego tše di šupago. Ke be ke sa tsebe. Modimo o a tsebe. E no ba ka pono, ka e ngwala. Ke sa tsebe gore Modimo, ngwaga le kgwedi tše di selego ka morago, o be a

ile go e hlatsela magodimong, ka ngwedi, gomme a fetiša go putlaganya dipamiri tša setšhaba. Ke be ke sa tsebe seo. Ke be ke sa tsebe gore go tla ba le phifelo ya sephiri ngwedding, go laetše Lebaka le la Laodikia.

²⁸ Bjale, mo dipampiring, o hwetša fela mabaka a a seelago. Ke ka baka la gore phuthego ya Laodikia e be e fifaditšw go felela. Gomme ge o ka hlokomela polelo ya semoya, bjalo ka ge Modimo a e beile legodimong. Ge ke e bea mo lefaseng, ke šiile sebakana se sennyane, bjalo ka ge le bona, seetšana se sennyane feela. E be e no ba pele ga ge yena Mohlaolwa a ka bitšwa go tloga lefaseng, lebaka leo ke le beilego mola ke e beetše lebaka la bošupa. Eupša ge Modimo ale bea magodimong, e be be e fifetše ka go felela, go ra gore mohlamong wa mafelelo o bitšwa go tšwa moo Lebakang la Laodikea. Ga re tsebe. Go ka kgona go ba thero ka lona.

²⁹ Bjale hlokomelang gape, pele ga—ga Mahuto a a šupago, ao ke bego ke se na le lesedi gore a ka tsela yeo.

Gona mo Tabarenekeleng O boletše ka yona, gomme a nthomela Tucson, Arizona, ka le botša tšohle tše di tlogo direga. Gomme go na le monna yo a dutšego o gona mo, lehono, yo a bego a le gona kua go bona ge e direga ka wona mokgwa wo ya go bolelwa mo gore e tla direga, “Barongwa ba ba šupago ba be ba tla tla.” Nako yeo dikuranta dibe di e rwele, le dikgatišobaka, go kgabaganya setšhaba, “Seetša sa ntikudiku sa Sephiri ka sebopego sa phiramiti,” go no swana le ka mokgwa woo ka go se ngwala ka gona mo ka le laetša. Go tsoga moo Barongwa bao ba bego ba eme, gomme sa ya dimaele tše masome tharo bogodimo, gomme se le dimaele tše masomepedi supa go putla; goba dimaele tše masome pedi šupa bogodimo, gomme se le dimaele tše masome tharo go kgabola, ke lebetše gore efe e be e le efe. Gomme se bonwe go putlaganya dinagakopano, bogodingwana feela bja Tucson, Arizona, gona fao sa go direga, nakong e tee.

³⁰ Le a bona, be—be Beibele, Modimo ga e no ba. . . Ga e no ba yo mongwe a leka go—go katela se sengwe go wena, eupša go utolla go wena sona sebolelwa ke moya sa nako ye.

³¹ Gomme ka fao, Molaetša wo o latelago, wo o bulago Mahuto a šupago, ao a phethagatšago diphiri ka moka tše di utilwego tša Beibele, Dithuto, bjalo bjalo. Woo, lefase le o hlaselago ka bošoro matšatšing ano, O a hlaselwa gomme ba re O phošo, *mo, mola*.

³² Mo letšatši le lengwe ka Arizona, hlomesetša ditheipi, go ntira gore ke bolela dilo tše ke sego ka di bolela. E nong go gopola pono ka *tšhišinyego* ya Arizona! Beibele e rile, “Go be go ka ba kaone ge lwala le be le ka tlemelelwa molaleng wa gago.” Gomme se sengwe, ke, “Mang le mang,” e ka ba moreri goba seo a ka bago sono, “yo a ka tlošago Lentšu le tee go tšwa

go Yona, goba a oketša ka lentšule tee go Yona!” Batho ba bea dithathollo tša bona godimo ga Lentšu bjalo ka ge Le filwe, ba leka go Le dira gore le bolele se sengwe se ke sego ka se bolela, gomme, ga se Lentšu laka; Ke Lentšu la Gagwe. “Yo a ka oketšago, goba a fokotša!”

³³ Gomme nako yeo, ponong, re bone baporofeta ba ba theogela fase, bjalo ka ge ke le hlatholletše, ke a dumela, Disontaga tše malwa tša go feta. Ka moka e tla ba bjalo. Ke rile, “E nong go katoga mo go yona.” Ge fela nna ke sa e lwantšhe, gona Modimo a ka seke a e lwantšha. Eupša a re e tlogelele Yena a be le yona. Ke Yena Yo A e hlokometšego. Le a bona?

³⁴ Bjale re lemogile, Sontaga sa go feta, go be go le...ke rera matšatši a monyanya. Gomme go be go le monyanya wa pentekoste. Gomme magareng ga monyanya wa pentekoste le monyanya wa diphalafera, e be e le lebaka le le telele la nako; ka nepagalo ke masomehlano a matšatši makgatheng a pentekoste le monyanya wa diphalafera. Gomme masomehlano a matšatši, yeo, *pentekoste* e rago “*masomehlano*.” E be e le go šišinywa ga šerefe, goba ing-...Dienywa tša pele tša puno di be di gorošwa. Gomme re a bona e be e le ka seswantšho kua morago, ka dithakangwaga tša tlhago, di emela dithakangwaga tša Moya wo Mokgethwa wo o bego o tla tšhollelwa godimo ga batho.

Gomme re a hwetša, nako yeo, gore wona matšatši a masomehlano a ile a amogelwa ke Bantle, bao, “Modimo go tšwa go Bantle a bileditšego batho Leina la Gagwe,” monyanya wa pentekoste. Gomme re be re tšwelela mo monyanyeng wo motelele wa pentekoste.

³⁵ Bjale, gabotse, go tloga go matšatši a masome hlano, e tla ba disabatha tše šupa tlwa. Gomme disabatha tše di šupago di emela Mabaka a Diphuthago tše di šupago, go bitšwa ka nako ya monyanya wa pentekoste, wa Pentekoste, go bitša batho go tšwa go Bantle a ba biletša Leina la Gagwe.

Bjale, mafelelong a disabata tše di šupago tše, di bego di le, e be e ya goba Letšatši la Seloba, e bego e le Diphalafera tše di šupago. Gomme Diphalafera tše di šupago di be di swanetše go bitša letšatši la go golola, go ya morago go Sehlabelo, goba, Seloba. Gomme re hwetša gore, gona, Israele, Diphalafera tše di šupago di ra Israele feela.

³⁶ Gomme, nako yela, ke ka baka la eng A se a ke a ntumelela go rera Diphalafera tše di šupago. Ke be ke bile ke lokile gore ke di bege, ke lokišitše halo le tšohle go tsena ka ntshe, go rera Diphalafera tše di šupago. Gomme ka re, “Go na le se sengwe se se ntshwenyago gampe,” ka rialo. Re ile ra tšwela pele re šoma, le Billy le rena bohle, re leka go lokiša tšohle re tšedifatša moago, re direla beke ye e tlogo, re lokišetša Diphalafera tše di šupago; rena le matšatši a lesome, goba

matšatši a seswai, re na le auditorium ya sekolo. Eupša Moya wo Mokgethwa ga se wa ke wa ntumelela go dira seo, ka lebaka le le itšego, gomme ka makala gore ka lebaka la eng.

Gomme ge ke eya go rapela. Ka botša mohumagadi, “Ke tsena ka gare.” Gomme ka tlhokofalo ke ile ka khunama pele ga Modimo, go rapela. Gomme A utolla go nna gore tšona Diphala-fala tše di šupago di llile ka fase ga Lehuto la Boselela, gomme ke le rerile, bokagodimo ga tlhago. Le a bona, ke letsogo la Modimo, selo se ka moka. E ra Israele, gomme re e topile ka fase ga Lehuto la Boselela; lena bohle ba le nago nalo, ka moo tlaišego ya Bajuda.

³⁷ Nako ya Bantle e be e le ka mo monyayeng wa pentekoste.

Diphala-fala, ka tlase...ka moka ga tšona di leditšwe ka fase ga Lehuto la Boselela. Gomme re e topile Sontaga sa go feta, ka fase ga monyanya wa diphala-fala, ge ka moka le nyaka go e hwetša. Na e be e etla go dira eng? Go lelekiša Bajuda, go tšwa dikarolong ka moka tša lefase, go boela nageng ya gabo bona. E swanetše go ba mola. Gomme go bulega ga Mahuta, ka fase ga Lehuto la Boselela, ka fase...Diphala-fala tše di šupago di llile ka—ka Lehutong la Boselela.

³⁸ Bjale, Molaetša wa morongwa wa bošupa ke go bula sephiri sa Mahuta, go bitša badiri Bantle ba iri ya-lesometee go amogela tefo ya go swana yeo bašomi ba iri ya mathomo ba go e hwetša. Le a bona?

Bjale, Jesu o e rutile. O rile go na le batho ba ba ilego punong. Ba be ba hirilwe. Gomme ge ba dirile, ba pele mesong, ba ile ba amogela ka—ka nako, pene ka letšatši. Gomme ka nako ya merithi, yo mongwe le yena a tla ka gare gomme a ya go šoma. Gomme gape ka iri ya lesometee, e lego iri ya mafelelo ya letšatši, yeo yo mongwe a go tsena gomme a amogela tefo ye e swanago yeo ba e dirilego ka iri ya pele ya letšatši; iring ya mafelelo.

³⁹ E phethagetše, ka fao batseta ba iri ya pele ka Lentšu, ka Ebangedi, ka Therešo, ba tlile ka Letšatši la Pentekoste. Gomme go bile nako ya leswiswi yeo e ilego ya ba thibela. Ka gona bogare bja letšatši, Luther, le Wesley, le ba bangwe, ba tla ka gare. Gomme nako yeo go swanetše go ba Molaetša, wa nako ya thapama le go amogela selo se se swanago le se ba se dirilego mathomong. Molaetša wa nako ya thapama ke wa go bušetša morago gape, go bušetša morago selo se se swanago gape.

⁴⁰ Gomme gopola pono ya beke ya go feta, gore ge Monyalwa a e tla go...ponagalo ya pele ya gagwe. Go ile gwa tla Monyalwa yo monnyane, wa go ratega, mo ponong. Gomme nna, ke sa gopole ka yena; ke nno itulela mola ke lebeletše ka ntle. Gomme Monyalwa a tšwelela mola. Ka kwa Lentšu lehlakoring laka, le re, “Mo ke go bonwa pele ga Monyalwa.” Gomme A tla a feta. Ke ile ka Mmona, ka tsela yeo A bego a le

ka yona, a ratega kudu, a le botse, e le yo monnyane. O be a fo sepela kgato ka mo A kgonago, a sa matšhe; a no ba ka megato ya—ya mosadi, ka fao ba sepelago ka bokgwari, sehmagadi. Ke ka tsela ye A bego a sepela ka gona, a etla ka go la ngele ka lehlakoring *le*, gomme A tlogo ponagalong ya ka.

⁴¹ Nako yeo A nthetollela lehlakoreng la la go ja, gomme A ntaetša kereke ye nngwe le ye nngwe ge di etšwa go tšwa mabakeng ka moka. Gomme, oo, bohlaswa bjang! Gomme ya mafelelo e be e le lebaka la kereke ya letšatši le la mafelelo, yeo e bego e hlahlwa ke moloi. Gomme ba be ba apere ka mokgwa wa bohlaswa, ba lebelelega-bohlaswa! Gomme ba be ba matšhetša go ya ka nako le go menekana le morethetho wa go tšukudubana. Gomme basadi bao ba ipeletša mminong wa go menekana, ba swere pampiri feela, bosehla, boikaketši, e no-ba... Bolehla bo magareng ga bošweu le bantsho, e lego mmala wo o forago. Bolehla ga se bošweu le bile ga se boso. Ke mmala wo o forago. Pampiri ye e lebelelago ye-tshehla, ba e swere pele ga bona, ka dikhethe tše dilwana tše go lebelelega bjalo ka maralana di swere mo pele ga bona, gomme ba ponoka go felela go tloga lethekeng la bona go ya godimo. Gomme a matšha go ya... goba kgato ka kgato, goba a menekana, gomme a tšwela pela ka mmimo woo, a sepela a hlatloga. Gomme ka re, “Ke yona kereke.”

⁴² Gomme ge a feta mo gonna, pelo yaka ya nyaka go idibala. Ka gopola, “Ge e ba ke seo se lekwago go neelwa go Kriste, bjalo ka Monyalwa? Go maiteko ka moka le dilo tše motho a di beilego pele, a leka go tšweleletša Kriste Monyalwa; gomme bohlaswa, ditšhila, seotswa sa go lebelelega bohlaswa bjalo ka se go ba Monyalwa wa Kriste?” Se dira gore ke babje ka pelong.

⁴³ Gomme ge a feta, ka morago ga ge a... E tla pele ga fao re bego re eme, o be a swere pampiri ka pele ga gagwe, a menekana, gomme a itšukudubanya, gomme a ikeša lehlakoring le lengwe gomme a eya le go le lengwe, ge a tšwelapele, bjalo ka sa babini ba sebjale bjale ba nago le sona letšatši le, a itšhumiša ka tironng ya bootswa ge a be a matšha.

⁴⁴ Ge ke na le maikarabelo ka dilo tše. Ke kgona go bolela feela se ke se bonego. Gomme Modimo ke Moahlodi wa ka, eupša yeo e be e le kereke ya go tšwa U.S.A.

⁴⁵ Bjale, ge a feta, karolo yohle ya bokamorago e be e se na le seapešo le ga nnyane. Gomme ge a feta, ka kwa ke idibala le go babja.

⁴⁶ Nako yeo A re, “Monyalwa o tla tla go bonwa pele gape.” Gomme mo Monyalwa a tšwelela ka morago ga gagwe, yena Monyalwa yo a lebelelago go swana le yola a go feta pele. Gomme pelo ya ka ya taboga ka lethabo, go tseba gore go tla

ba le Monyalwa. Gomme O tla dirwa ke selo se se swanago, gomme a apara ka mokgwa wa go swana, le wa Yola a bego a le mathomong. O tla bitšwa.

Gomme ke a tseba gore ke Therešo. Ge e se therešo, gone pono ye nngwe le ye nngwe ye ka go ba le yona kua morago e be e le phošo. Gomme yo mongwe le yo mongwe o a tseba, gore, ga go le se se tee se A kilego a re botša sona eupša seo e lego Therešo. Se phethagetše, bjalo ka ge. . .

47 Gomme le kgona go bona, bjale, go se hlweke ga kereke ya sebjale bjale, a ipitša “kereke”?

48 Bjalo ka ge yo mongwe letšatši le lengwe o itše; Ngwanešu Ruddell, ngwanešu yo bohlokwa waka, yo a itshamilego ka leboto mola bjale. Gore, o e bone bjalo ka seji moterebeng. Gomme re be re e boledišana ka phapošing letšatši le lengwe. Gomme Ngwanešu Ruddell o be a tshwenyegile ka maemo a nako le—le maikutlo a moya ka dikerekeng lehono, ka fao a thomilego go wela fase ka gona. Badiredi ba tšwa mo gohle, gomme ba nyakišiša mo, ba botšiša, “Go diregile eng, Ngwanešu Branham? Go diregile eng?” Oo, nna!

49 Ngwanešu Ruddell o ile a mpotšiša potšišo, “Na ba phela ka moya wa Sathane, goba ka eng?”

50 Ke ile ka re, “Aowa, seji se phela ka maatla a morara.” Se a phela ka baka la gore, seenywa sa legoro la namone, mo—mo swiri e tla mela mohlareng wa monamone; eupša o ka seke wa be wa enywa dinamone, le ge o phela ka bophelo bja wona.

Gomme kereke, seo se bitšwago, e no ba lekala leo le hlomeseditšwego, e phela ka fase ga leina la bodumedi, ka fase ga leina la kereke. Katoliki le Maporosetanta, e no ba diji, di goga. . . go tšwa maatleng a Morara; gomme di enywa dienywa tša seo di lego sona, ka gore ga se tša sokaloga. Di be di se gona polaneng ya Modimo ya kgethelopele ya setlogo, ke ka baka leo di swanetše go gana Lentšu gomme di enywe mohuta wo mongwe wa seenywa. Wa therešo mohlare, ka medung wa wona, o kgethetšwe pele go tšweletša dinamone godimo ga mohlare wa monamone.

Jesu o ile, “Ke nna Morara; lena le makala.”

51 Eupša ge mohlare wola o ka tšweletša lekala le lengwe, le tla enywa seenywa sa sona sa setlogo. Gomme go swanetše go ba pušetšo ya dilo tše ka moka, ka go napa mafelelong a Morara. Go swanetše go ba, go tšwelele, pušetšo, Seetša sa mantšibua go Le gotetša le go Le dira gore le butšwe. Eupša le tla tšwa go Morara wa setlogo, e sego kereke ya leina yeo e hlomaseditšwego go Yona; eupša setšweletšwa sa setlogo sa Lentšu. Le swanetše go tlela nako ya mantšibuwa. “Gomme Seetša se tla ba gona ka nako ya mantšibuwa.” Go tšea Seetša go E buduša.

52 Le bona ka moo Mangwalo a phethagetšego ka gona? “Letšatši leo le ka se bitšwego mosegare goba bošego.” Seenywa se ka se butšwe ka ntle le ge se budušwa ke letšatši. Ga go tshwenye gore o rera ga kae, se sengwe le se sengwe se o se dirago, se ka se kgone go butšwa, se ka se kgone go bonagatšwa, se ka se kgone go bonagala; eupša ka Yena yo A itšego, “Ke nna Seetša sa lefase,” Lentšu. Ka fao go swanetše go tla ma—ma—ma Maatla, Moya o Mokgethwa ka Bo Yena, go buduša, goba go bonagatša, goba go netefatša, goba go bonagatša tšeo A di boleletšego pele go direga mo letšatšing le. Seetša sa mantšibua se tšweleletša seo. A nako!

53 Monyalwa o fetile ka seemo se se swanago le se A bego a le ka sona ge A be a le mathomong. Eupša ke be ke Mo lebeletše ge A etšwa setepeng, gomme ka leka go Mo gogela morago. Bjale, tše ntšhi di ka bolelwa ka dilo tše, tša letšatši le re phelago go lona.

54 Bjale, Hosea o rile, mo go 6:1, “Boelang go Morena.” Gopolang, o ile a re ba tla šwalalanywa, gomme ba ile ba. O rile, “Ba tla boela go Morena, ka morago ga ge ba ile ba šwalalanywa, gomme O be, o tla ba tlemelela.” Hlokomela, “Ba boela. . . Ba tla šwalalanywa; sa bo bedi. . . Ba ile ba kgeilwe, gomme ba fofatšwa.” E no ba tlwa se se diregilego. “O tla re fodiša, gomme a re tlemela.”

Bjalo ka Ezekiel 37, “Marapo a a omilego, moedi o tletše marapo a a omilego.” Ezekiele o e bone, poelo ya bona gape.

Bjale hlokomela, Hosea o rile, “Ka morago ga matšatši a mabedi! Ka morago ga matšatši a mabedi O be a tla boela go bona. O tla re amogela gomme a re fa, a re tsošeletša.” Bjale, go *tsošeletša* ga go re “tsogo.” *Tsošeletša*, go, na le lentšu le le šomišwago mo gohle, ke ile ka no le lebelela, le ra “tsošeletšo.” “O tla re tsošološa gape ka morago ga matšatši a mabedi.” E tla be e le, “Ka letšatši la boraro O tla re tsošološa gape, ka morago ga ge A re tšitlantše, le go re fofatša, le go re kgeila.”

55 Le a tseba, gore BaJuda be ile ba fofatšwa ka wona morero wa gore rena re kgone go ba le pono. Ba ile ba gagoganywa, le go šwalalanywa, bjalo ka setšhaba, gomme ba gana Messiah wa bona; gore re tle re amogele Messiah, gore go tle go be le batho ba ba beditšwego go tšwa go Bantle ka baka la Leina la Gagwe.

56 Bjale, monna o a tla, gomme mosadi o tšea leina la gagwe. Bantle ba ba fofetšego ba ba sa bonego Leina leo, “Morena Jesu Kriste”, go kolobetša! Ke mo go be kudu, eupša go swanetše go ba ka tsela yeo. BaJuda, ba be ba swanetše—ba be ba se ba swanela go bona seo. Go no ba yo motee feela yo a ka kgonago go e bona; ke yo motee a kgethetšwego pele go bona seo. Go goe bjalo, o ka se tsoe o e bone.

BaJuda ba be ba sa kgone go bona seo bjalo ka Messiah wa bona. Gomme, go le bjalo, e be e le baithuti le baithutela modimo, banna ba dithuto tše kgolo tša go tsebalega, ba bala Beibele yona ye o e balago. Bjale, ka morago ga ge e tsebaditšwe go rena, re kgona go e bona molaleng, e be e le Messiah. Eupša, ga se ba ke ba kgona go e bona, le bile ba ka se kgone go e bona lehono. Ba porofetilwe go ba difofu, le bona.

⁵⁷ Kereke, letšatšing le, e porofetilwe go ba ye e foufaditšwego, go gana Molaetša wa nako ya mantšibua. Kutollo 3 e rialo. “O madimabe, o mogošoro,” ke bone seemo sa monywalwa bošego bjo bangwe, goba kereke, “ponapona, sefofu, gomme ga o e tsebe.” Morena Jesu, e ba le mogau ga rena! Beibele e rile o be a “ponoka.” Ga se nke ke e bona go fihla gona bjale. Kereke ya Laodiatše e be e ponoka. Gomme ga a tšwelela bošego bjo bongwe, o be a “ponoka,” a se a ke a lemoga seo, “gomme o be a sa tsebe seo.”

⁵⁸ Oo, re leboga bjang! Bjang, ga go makatše re ba ba lebogago! Ke kwa gore ga re leboge go feta ka dilo tše Modimo a di tsebišago go rena.

⁵⁹ “Ponoka.” Gomme dipono di rile, di ntaeditše gore o be a ponoka gomme a sa tsebe seo, gomme a “foufaditšwe.” Bjalo ka Israele e foufaditšwe gore Bantle ba kgone go tsena, bjale Bantle ba foufaditšwe gore Monyalwa a kgone go tlošwa gomme Israele e tla kgona go amogela monyanya wa Diphala-fala. E no ba ka phethagalo!

⁶⁰ “Ka morago ga matšatši a mabedi O tla re tsošološa, goba o tla re fa tsošetšo, a re tliša mmogo, BaJuda,” ba bolela ka Diphala-fala tše bjale. Gomme O tla. . .” Gomme re tla phela sefahlegong sa Gagwe, goba re ba le Bophelo bjo bo sa Felego. Le a bona, re tla be re le sefahlegong sa Gagwe.” Beibele e ileolo mo go Hosea, e rile, “Gomme re tla phela pele ga Gagwe; Bophelo, ra ba le Bophelo mo sefahlegong sa Gagwe.” Ke Bophelo Bja Gagwe, Bophelo bjo bo sa Felego, “ra ba le Bophelo mo sefahlegong sa Gagwe.”

“Mosadi yo a phelago ka dikganyongo o hwile le ge a phela.” Ka fao re. . . o tshephitšwe gore Israele gape e tla ba le Bophelo mo sefahlegong sa Gagwe. O be a hwile, go ya ka dintlha, le go monyanya wa pentekoste.

⁶¹ Bjale lemogang, ka tlhokomelo. “Nako yeo ka morago ga matšatši a mabedi.” Bjale, seo se be se sa re matšatši a mabedi a diiri tše masomepedi nne, ka gore go bile. . . Se diregile morago kua, mengwaga ye makgolo a mantšhi ya go feta. Le a bona? E be e era, “matšatši a mabedi le Morena,” ka morago ga dikete tše pedi tša mengwaga. Bjale, le a tseba gore ke nako ye telele bjang go tloga nakong yeo? E bile mengwaga ye makgolo a masomepedi šupa go tloga fao, ka gore mo Hosea mo ke B.C.

780. 1964, le a bona, e bile se sengwe ka godimo ga makgolo a masomepedi šupa ya go feta. O rile, “Ka morago ga matšatši a mabedi, ka letšatši la boraro, O tla re tsošetša gape, gomme a re fa Bophelo sefahlegong sa Gagwe.” Ke tšeo Diphala-fala tša lena di tla ka gare. Ke iri yeo re phelago mo go yona, letšatši leo re le phelago.

⁶² Bjale, ba šwalalantšwe, ba fougaditšwe, ba kgobetšwe, gomme ba šetše ba le kgole ka letšatšing la boraro. Le a e bona? Ba ile ba šwalalanywa, go tloga Palastena, go kgabaganya lefase ka moka. Ba ile ba fougatšwa, gore ba gane Messiah. Gomme bjale ba kgoboketšwa naga legaeng ya bona, ba loketše Diphala-fala, go lemoga Seloba.

Bjalo ka ge Beibele e ile, “Ge ba E amogela, gomme ba Mo hwetša a na le mabadi a dipekere,” ka morago ga ge Kereke e tšerwe, “gomme ba re, ‘Mabadi a O a tšere kae?’ O rile, ‘Ka ntlong ya bagwera ba Ka.’” Gomme O rile, “Ba tla arogana, lapa ka lapa, gomme ba tla lla ba golola, matšatši, bjalo ka lapa leo le lahlegetšwego ke morwa a nnoši.” Gopolang, gore monyanya wa Diphala-fala o be o tla dira seo. “Go golola, go llela Sehlabele se se boleilwego,” gomme ba Se ganne.

⁶³ Ba nageng ya gabo bona. Ba be ba šwalalantšwe, ba fougaditšwe, gomme bjale ba kgobetšwe. Gomme ka moka e be e le ka fase ga Lehuto lela la Boselela, Diphala-fala tša bona tše šupa. . . di llile go ba kgobela mmogo, Phala-fala ya Boselela. Ya Bošupa “ke Phala-fala ye Kgole yela,” bjalo ka ge re bile nayo Sontaga ya go feta. Phala-fala ya Boselela e llile ka fase ga Lehuto la Boselela. Go no swana le ge Lehuto la Boselela la rena le butšwe, tše tšohle ka nako e tee; feela, tše bona tšohle di llile ka nako e tee; moo, re bego re le gona mengwaga ye dikete tše pedi monyanyeng wa pentekoste.

⁶⁴ Bjale, mengwaga ye makgolo a masome pedišupa go tloga nako yeo. O rile, “Ka letšatši la boraro, re tla kgobelwa gape. Ka morago ga matšatši a mabedi, ka letšatši la boraro, re tla kgobelwa gape, gomme re amogela Bophelo sefahlegong sa Gagwe.” Na le bona tšhephišo? Iri ka go phethega e ngwadilwe lebotong. Re bona fao re phelago.

⁶⁵ Bjale ka naga legaeng, ba letetše monyanya wa Diphala-fala, goba go lemoga Seloba, le go letela Gotla, go llela kgano ya bona ya mathomo gore ba Se ganne. Ba naga legaeng ka baka la seo, ba letetše. Na ka moka ba. . . Se sengwe le se sengwe se beilwe madulong.

⁶⁶ Bjalo ka modiredi wa Ebangedi, ga ke kgone go bona selo se se tee se se šetšego eupša ge e se go tloga ga Monyalwa. Gomme Monyalwa o swanetše go tšewa pele ga ge ba ka kgona go lemoga seo se diregilego. Ba be ba tlemilwe, ba šwalalantšwe. . . Ke ra gore, ba be ba šwalalantšwe, ba fougaditšwe, gomme bjale ba kgobetšwe. Go šetše eng?

Monyalwa gore a tšewe go tlošwa tseleng. Tetelo ke ya go tloga ga Monyalwa, gore baporofeta ba bona ba Kutollo 11 ba kgone go ba biletša monyanyeng wa Phalafala, go ba dira gore ba lemoge seo ba se direlego.

⁶⁷ Lemogang, gabotse gare ga Mahuto ao, go tšweletše Lehuto la Boselela. Gomme go bego na le ba ba dikete tše lekgolo masome nne nne, ba kgethilwe mme ba bitšwa. Gomme gare ga ya Boselela le ya Bošupa Phalafala, Kutollo 11 e a nyarela gabotse gona mola ka go nepa go sepelelana le Lehuto la Boselela.

⁶⁸ Go dira eng? Na le be le tšile go dira eng? Gomme le be le tšile go tliša dihlatse tše pedi, Moshe le Elia, baporofeta. Bao, BaJuda ba dumelago feela baporofeta ba bona. Gomme ba tla tla ka seka sa baporofeta, gomme mediro ya bona e tla ba yeo ya moporofeta, gobane ba dira ka go nepa.

Ba laetša selo se setee, gore, motho, ge o e hwa goba e ka ba eng, ge o tlogela lefase le, tlhago ya gago ga e fetoge. Ge o le ramaka bjale, o tla ba moaketši le kua. Ge o fiša hlogo mo, o tla ba yo a fišago hlogo le kua. Ge o le mokamaki mo, o tla ba mokamaki le kua. Banna le basadi, ke nako ya gore le itšhišinye le go itekola le go bona moo re emego, gobane lehu ga le e fetole.

⁶⁹ E sale ba be ba sepetše mengwaga ye dikete tše pedi. Moshe e ka ba mengwaga ye makgolo a masomepedi-hlano, gomme Elia go ya go ile go tloga. . . E ka ba makgolo a masomepedi-hlano a mengwaga e sa le Elia a ile, gomme Moshe o be a sa le a ile, gomme ba bowa mo ka yona tlhago yona yela ya go swana gomme ba dira dilo tša go swana.

Lehu ga le dire selo go motho eupša le fetola lefelo la gagwe la bodulo. Ga le fetole tlhago ya gago. Ga le fetole tumelo ya gago. Ga le fetole selo ka go wena ge e se bodulo bja gago.

⁷⁰ Ka fao, tlhago ya gago e ka tsela efe mosong wo! Ge o le mokamaki wa Lentšu la Modimo, o tla ba mokamaki le ka kua. Ga ke tshwenyege gore o yo mokgethwa bjang, o phela bjang, goba o phela gabotse bjang, le ka se go fetole le mothalwana o tee go hwa, e no ba lefelo la gago la bodulo. Gomme ge o sa kgone go amogela Lentšu la Modimo ka moka ka tsela ye Le ngwadilwego, o ka se kgone go le dira Kua; ka fao, o se tshwenyege, o ka seke wa ba Kua.

O swanetše go Le amogela ka botlalo bja Lona, ka maatla a ponagalo ya Lona ke kutollo ya seo Le lego sona, ka gona o ba karolo ya Lona. Ke Lentšu la Gagwe feela le A tlogo go le tsoša, bjalo ka ge A dirile Lentšu la Gagwe mosong wa Tsogo ya pele. Ke feela Lentšu la Gagwe le le ilego la tsoga, gomme le bao ba hwetšego Lentšu la Gagwe, ba dumela Lentšu la Gagwe gomme ba bonagaditše Lentšu la Gagwe.

⁷¹ Lemoga, bjale, e bile mengwaga ye makgolo a masomepedišupa ya go feta. Lemoga, ba be ba šwallantšwe, ba be ba fougaditšwe, gomme bjale ba kgobetšwe. Bjale, selo se se latelago ke gore ba tla amogela Bophelo.

⁷² Gomme Bantle ba beditšwe. Monyalwa o lokile. Tlhatlogo e mo seatleng. Na re kgona go lemoga seo? Na gabotse re kgona go dumela seo? A ke setori seo se boletšwego? A ke nonwane go rena? A ke se sengwe se se kwagalago e le nnete? A ke se sengwe seo rena, ka ntle, re kgonago go se dumela? Goba, a ke se sengwe seo se lego ka gare ga rena, seo e lego karolo ya rena, seo se fetago bophelo go rena? Na ke seemo mang se re se beago ka mo, mosong wo, ka mo tabaranekeleng? Gopolang, e tla ba mohlatswana wo monnyane wo o tla E amogelago.

⁷³ Bjale ka naga legaeng, ba letile Diphala-fala. Bjale ba letile go sepela ga Monyalwa yo monnyane, gore Kutollo 11 e kgone go phethagala. Lebaka la kereke le fedile; Mahuto a bulegile, a hlatsela seo ba se tlogetšego ka ntle go lebaka la kereke, gomme Molaetša o neetšwe. Israele e tiragalong, halleluya, e letetše monyanya wa Diphala-fala.

⁷⁴ Oo, lena banna ka dinageng tše dingwe moo le tlogo go kwa theipi ye, le ka se kgone go tsoga na, ngwanešu? Goba, a E a go fougatša? A o ka E lahlela ka ntle gomme wa E bitša seporofeto sa maaka? Ge, E hlatsetšwe tlwa pele ga gago, ke lefase, ke nako, ke batho, le ke Moya wo Mokgethwa Woo o E ngwadilego. E hlatsetšwe, ka gohle tlhagong, moyeng, le tša lefase. Se sengwe le se sengwe se A se boletšego se phethagetše le bile se netefaditšwe.

⁷⁵ Israele e nageng ya yona; e gapetše ka fao, o ba dišitše ka fao, bjalo ka dinku. Diphiri di ile tša mo šala morago gomme tša ba kitimišetša morago polokegong, go ya lefaseng la gabo bona. Gopolang, Israele e tshepišitšwe go šegofatšwa feela ge feela e be e le ka nageng ya gabo yona. Modimo ga a šegofatše Israele ka ntle ga naga. Abraham o tšwetše ka ntle ga naga, a rogakwa. Yo mongwe le yo mongwe yo a tlogelago naga o a rogakwa. Modimo o šegofatsa Israele feela ge a dula naga legaeng ya gagwe, gomme o gona fao gona bjale bjalo ka setšhaba. Gomme Kereke e beditšwe; o nno letela Tlhatlogo, ya Monyalwa go tšeelwa ka ntle.

⁷⁶ Mahuto a bulegile. Le utolotšwe go rena. Re bona seo a se tlogetšego. Lena ba le nyakago go phegišana le go bakišana ka peu ya noga, le ka kolobetšo ya meetse, bjalo bjalo, le fougaditšwe gomme ga le tsebe seo. Modingwana wa lefase le o le fougaditše, go Yona, gomme ga le tsebe seo. Makala ke bile le nako yeo mosong wo, ke elwa kgahlanong le dikgatelelo!

⁷⁷ Ka fao baporofeta ba bona ba ka kgona go utollwa mo letšatšing la mafelelo; ka se kgone go e dira, go Diphala-fala, ya monyanya wa Diphala-fala.

78 O rile, ka Hosea, “Ke ba matlotše.” Bjale hlokomela, O bolela le Israele. “Ke ba matlotše,” goba ka mantšu a mangwe, “Ke ba ripile, ripetše ntle, ka baporofeta.” Ke ka fao Modimo a dirago batho ba Gagwe. O ba ripile go tšwa go ditšhaba tšohle. Ka eng? Ka Tšhoša ya Gagwe ya magale-mabedi, Lentšu la Gagwe. O ba ripile, setšhaba sa Gagwe, go tšwa ditšhabeng. O ripile setšhaba sa Gagwe go tšwa ditšhabeng, ka baporofeta, Lentšu la Gagwe le le hlatsetšwego.

Ka fao O ripile Monyalwa wa Gagwe go tšwa go dikereke tša maina, ka Lentšu la Gagwe; le le tshephišitšwego ke Maleaki 4, mo letšatšing la mafelelo. O ripile Monyalwa wa Gagwe, a Mo matlola go tšwa go tšohle dikereke! A matlola Monyalwa wa Gagwe!

79 O ripile go tšwa, baporofeta ba Gagwe; ka, ka baporofeta ba Gagwe, ka Lentšu a ripa Israele. “Ikaroganyeng go tšwa go bohle ba bona.”

Lebelela ge ba be ba nyaka go dira bjalo ka bona bohle. Ba ile ba tla go moporofeta, Samuel. O rile, “A nkile ka tšea tšhelete ya lena? A nkile ka bolela le lena ka se sengwe le se sengwe, ka Leina la Morena, eupša sa se phethege?”

Ba rile, “Aowa, ke, ke therešo, eupša re sa dutše re nyaka kgoši.”

80 Ke ka tsela yeo dikereke di dirilego. “Oo, re dumela Lentšu. Le lokile, eupša, o a tseba, ba re re swanetše go dira se.” Ga ke tshwenyege gore ba reng. Lentšu ke therešo!

Ba letile. O ba ripile go tšwa, ka baporofeta.

81 Ke nako mang, ngwanešu? Ke nako mang, modiredi? Na o bona nako ya letšatši, le seka se o phelago ka fase ga sona? A o kgona go se kwišiša? O a se bona?

82 Mo gohle bjale, ga go na le tsošetšo. Yo mongwe le yo mongwe o a belaela, badiredi ba a lla. Ke be ke bala ye nngwe ya dipampiri tše—tše di ikgethago ye e tlogo mo kerekeng, pampiri ye kaone kudu. Gomme ke tseba morulaganyi, ke tseba batho. Ke batho ba bomodimo, ba gabotse, Ngwanešu le Kgaetšedi Moore, ba *Herald of His Coming*. Ye nngwe ya dipampiri tše kaone mo tšhemong, *Herald of His Coming*. Eupša ga ba ngwale se sengwe ntle le ge e ka ba ka, “Ikone, rapela! Ikone, rapela! Letša phalafala! Hwetša. . .” Ke ba bakae ba ba e balago? Le a tseba. Le e bona ka nako tšohle, “Ikone, rapela! Ikone, rapela!” Ke tšohle tše o di kwago. “Ikone, rapela! Re ya go ba le letšatši le legolo le le tšwelelago! Go na le selo se segolo se se yago go direga! Ka moka ga lena, rapelang, rapelang, rapelang! Ga re a šiwa ke nako kudu!”

83 Ka baka la eng ba dira seo? Ka baka la eng ba dira seo? Ba nyaka go tsogologa mo go golo. Ba a lla, ba dumela gore go tla ba le tsogologa. Ke batho ba go loka. Ke ka baka la

eng e le? Ba dirile eng? Ga se ba be ba lemoga go tsogologa ga Monyalwa. Le a bona? Ka go ba Mokriste, ba kwa kgogedi ya iri, eupša ga se ba be ba lemoga seo se dirilwego. Ke sona seo se ba dirago gore ba kwe ka tsela yeo. Ba a tseba gore se sengwe se swanetše go direga, eupša, le a bona, ba se lebeletše pele kua ka moso, gore se tle, mola se šetše se direga gona mo kgauswi le wena.

⁸⁴ Ke selo se se swanago le se ba se dirilego matšatšing a kgale. Ba be ba dumela go Messiah yo a tlogo. Ba be ba dumela gore go tla ba moeteledi pele yo a tlogo. Eupša e be e le mo go bona, gomme ba be ba sa e tsebe. Ga se ba ke ba se lemoga. Ba be ba dumela gore go tla tla moeteledi pele yo a tlogo go etella Messiah, gomme ba ripa hlogo ya gagwe. Gomme ba bolaya Messiah wa bona, ka gore go be go porofetilwe gore ba tla fofatšwa. Hosea o ilalo.

⁸⁵ Gomme wona Moya wo, wa go bolela ka Hosea, o boletše ka Johanne gomme wa re kereke mo matšatšing a a mafelelo e tla “ponoka, gomme ya ba sefofu, gomme e tla Mmea ka ntle ga kereke.” Ba paletšwe ke go bona diporofeto tšeo di phethagala. Eupša, ba le fao, ba lemoga gore se sengwe se swanetše go direga. Ba no se se hwetše. Ga ba se lemoge. Kudu go no swana le BaJuda ba nako tša kgale; Laodikea wa go fofatšwa; mahumo, thuto ka ga modimo, ntwa le Kereke, merusu kgahlanong le Molaetša. Bona ka fao BaJuda bao ba bego ba le merusu go Johanne. Bona ka fao ba bego ba le merusu go Jesu, ge e be e le Yena yo ba bego ba bolela gore ba mo lebeletše.

[Lenaneo la segodiša modumo le dira modumo wa buzz.—Mohl.] Ke dumela gore re thuntšhitše fuse. Ke gopola gore se se ripile bagatiši ba ditheipi, le bona. Ga se sa dira. Go lokile.

⁸⁶ Ba be ba le maatleng go lebana le Molaetša.

Go diregang, ka lebelo le le kaa; yo mongwe le yo mongwe wa lena ke se swara phišo. Ga gona le tsela ya go swara kereke e le leemong le le phethagetšego ka moo, ka fase ga dinako tšeo. Ka baka la gore, o a bona, yo mongwe le yo mongwe wa lena le 98 BTU, go feleleng. Gomme le ka se no dula moo ka mokgwa woo; le ntšha phišo kgafetša. Gona le moya wo o lekanetšego ka mo bjale go tšidifatša lefelo le. Eupša, le seswara phišo ye eya pele, le—le ka se kgone go e dira.

⁸⁷ Hlokomela, merusu! Eupša, bjale, go swana le BaJuda ba kgale, ba fofaditšwe! Ba Laodikea. Ba a “ponapona, ba madimabe, ba a šokiša, gomme ga ba tsebe seo.” Letšatši la mahumo, dithuto tše kgolo tša bomodimo, thuto ye kgolo, gomme bjale ba tlile ba ba le merusu kgahlanong le Molaetša. Ga ba nyake go dira selo ka Wona, go no swana le ka moo go bego go le ka wona morago matšatšing a ge Jesu wa Nazaretha a le lefaseng.

⁸⁸ Lebaka le batho, letšatšing la Noage, ba se ba ke ba tsena arekeng, ka baka la gore ga se ba ke ba lemoga molaetša le motseta. Ke lebaka le nnoši ge ba ile ba senyega, ke ka baka la gore ga se ba ke ba lemoga iri yeo ba bego ba phela go yona. Ga se ba ke ba tseba gore Modimo o tla lwa le sebe bjalo ka ge A tshephišitše gore O tla dira. “O tla fediša motho, go tloga sefahlegong sa lefase.” O ile a e porofeta. O be a e era. Gomme O a era lehono go swana le ge A dirile nako yeo.

⁸⁹ Eupša batho, go na le gore ba rate Noage, o ile a tšewa go ba monna wa lebelele. Ga se ba ke ba mo dumela go ba moporofeta. Le a tseba, Jesu, Boyena Bja Gagwe, o re boditše ka fao ba bego ba kwera ka gona matšatšing a Noage, ba bapala ka yena, ba mmitša mosetšee gabotse le tše dingwe gape. Eupša ga se ba ke ba lemoga iri ya bona. Ga se ba ke ba lemoga letšatši. Ga se ba ke ba lemoga seka. Ga se ba ke ba lemoga molaetša. Ga se bake ba lemoga motseta, eupša ba mo tloša magareng a bona gomme ba mo sega. Jesu o rile, “Bjalo ka ge go bile bjalo matšatšing a Noage!”

⁹⁰ Israele e le nageng ya yona, gomme tšohle di beilwe bjale, gomme Molaetša o no tsena ka go phethagala, ke letšatši le fe le re phelago go lona, ngwanešu? Ke kae mo re lego gona?

⁹¹ Ga se ba ke ba tseba letšatši. Ga se ba ke ba tseba. Ke ka lebaka leo ba ile ba le foša, ka baka la gore ga se ba ke ba le lemoga. Ba be ba le bjalo ka letšatši, kudu ka mokgwa wa go swana le batho lehono, ba foufadišwe ke dinetefatšo tša saentshe, ke mananeo a thuto, ke disiminare tša thutabomodimo. Gape le dilo tše di ba foufadišego letšatši leo, se dirile selo se se swanago lehono. Se ba foufadiše, gape.

⁹² Gomme, gape, bonolo, bonolo bja molaetša le motseta! Noage o be a se bosaentsheng. E be e se monna wa serutegi. E be e le modiidi wa molemi, moikokobetši, ka molaetša wo bonolo. O be o le bonolo kudu go dithuto tša bona tša godimo.

Ka fao o bjalo le lehono! Modimo dinako ka moka o o dira wo bonolo, go hwetša batho ba ba tlogo go dumela le go tshepha Yena. Ke phapano, e no ba Molaetša wo o fapanego, eupša Modimo yo a swanago. Bjale ke nyaka Wena o dumele Wona gomme o kwišiše gore Modimo o O boletše.

⁹³ Jesu o rile ba kwerile moporofeta wa Gagwe, Noage. Gomme bjalo ka ge ba kwerile letšatšing leo, ka fao ba tla e dira gape Gotleng ga Gagwe. Ba tla dira selo se se swanago.

Ke ka lebaka leo Farao a ile a nwelela ka lewatleng. Ga se a ke a lemoga letšatši la gagwe. Ga se a ke a lemoga seo se bego se direga. O be a tšerwe kudu ka dikatlegong tša nako ya bosaentshe ya gagwe, go aga ditoropo ka mphufutšo wa lekgoba. O be kudu—o be a theogetše kudu, go ka lemoga sebaka seo a bego a na le sona, gomme a bušetše moporofeta-motseta wa Modimo ka ntle leganatheng. Ga se

a ke a e lemoga. Ke ka lebaka leo dilo di ilego tša ya ka tsela yeo di diregilego. Ga se a ke a le lemoga. Ge nkabe a ile a no lemoga Lentšu la Modimo le le tshephišitšwego, batho bala!

⁹⁴ Ge dikereke lehono di ka no lemoga, ge dikereke di ka no lemoga Lentšu la Modimo le le dirilwego tshephišo ya iri ye, go batho, ba be ba ka se hwe.

Ge Amerika e be e ka kgona go lemoga molaotheo woo e o ngwadilego, e be e ka se rate go ntšhetša Beibele ka ntle ga dikolo, go tšea Leina la Modimo go tloga tšheleteng, gomme boikarabelo ka tlase ga Modimo. Eupša ga a kgone go lemoga seo. Ka baka la eng? O foufetše, o a ponapona. Ga a lemoga madi a bašimane ba bohlokwa bale ba ba hwilego tšhemong ba hwela mongetla wo. Ba lebetšwe; ke bona lerwele.

⁹⁵ Eupša go na le yo Motee Yo a gopologa go tšhollwa ga madi a baporofeta, tefo yeo a e tšerego go tliša Ebangedi ye go rena lehono. Ka fao dikete di llwego ke ditau, gomme ba lahlelwa meleteng, ba segwa go ripaganywa, ba fišwa, ba bapolwa! Modimo o e gopola.

Kereke e lebetše baporofeta ba tšona. Ga “di sa ba nyaka,” di rialo. Eupša Modimo o a tseba O swaneše go ba nabo; O matlotše batho ba Gagwe ka Lentšu la Gagwe. Eupša E šiiilwe ke nako kudu go bona mo letšatšing le. Ga ba E lemoge. Ke ka lebaka leo di lego leemong le di lego go lona. Ke ka baka leo di a “ponapona, di a šokiša, difoufetše, di hlomola pelo, gomme ga di tsebe seo,” ka baka la gore ga di lemoge iri ye re phelago go yona. Ga di e bone.

⁹⁶ Moshe, o ile a lemoga letšatši la gagwe le pitšo ya gagwe, ge a bona tshephišo ya Lentšu la Modimo ya letšatši leo e bonagatšwa. O ile a tseba nako yeo, gomme a lemoga seo a bego a le sona le seo a bego a swanetše go se dira, ka Lentšu le le tshephišitšwego. Ka fao o be a sa boife se mang kapa mang a bego a se bolela. O be a se na le dihlong ka molaetša wa gagwe, le ge moprista yo mongwe le yo mongwe, farao yo mongwe le yo mongwe, se sengwe le se sengwe, maatla a mangwe le a mangwe, di be di sa dumelelane le yena. Eupša o ile a lemoga ge a bona Seetša sela, Pilara yela ya Mollo e akaletše sethokgweng sela, gomme ya bolela le yena Lentšu leo le bego le tshephišeditšwe letšatši leo, gomme la re, “Ke beditše wena gore o ye o e dire.” A se boife di—di ditšhošetšo tše kgolo tša kgoši. O ile a ya tlase go tliša batho bale go khudugo, bjalo ka ge Lentšu la Modimo le tshephišitše.

⁹⁷ Go boneng tshephišo e bonagatšwa, o ile a dira batho go lokela khudugo ya bona. Neng? Ge a bone tshephišo ya Modimo e bonagatšwa. Gopolang, o tšhabile le thuto ya gagwe ya bomodimo; o tšhabile le tlhahlo ya gagwe. Eupša ge a bone Lentšu la Modimo le dirwa ponagalo, o Le bone le bonagatšwa, “KE NNA E A LEGO GONA,” nako yeo ga se a ke a tshwenyega gore yo mongwe o rileng. Ga se a ke a boifa gore Farao o be a ka

dira eng ka yena. Ga se a ke a boifa gore ka moka ga bona ba tla dira eng. O be a boifa Modimo feela, gore a ka šitwa go kwišiša Modimo, goba ka tsela ye nngwe o be a ka foša go kwišiša Modimo. O be a sa boife batho le gore ba be ba tla reng goba seo ba bego ba tla se dira. O be a boifa Modimo feela, ka morago ga ge a lemogile gore e be e le Lentšu la Modimo.

⁹⁸ Ga se a kgona go kwišiša gore bjang monna wa go swana le yena a be a ka rongwe tlase kua. Eupša ge a lemogile, ka Lentšu le le bonagaditšwego, seo le bego le le sona, nako yeo ga se a ke a boifa melao ya kgoši. Ge feela o ka no lemoga, ge rena lehono re ka kgona go lemoga! Moshe o se lemogile ge a bona Lentšu le bonagatšwa, ge a bona ponagatšo e nepagatšwa, O be a loketše khudugo ya batho.

Job ga se a ke a lemoga gore e be e le Modimo. Ge feela diabolo a kgona—kgona go go dira gore o dumele nako ye nngwe gore molekwana wo monnyane wo o fetago go wona ke—ke Modimo a . . . a go otlala! E be e le Modimo a leka go mo laetša se sengwe. Job ga se a ke a se lemoga go fihla ge a bone pono. Bjalo ka Moshe; ge Moshe a bone pono, Pilara ya Mollo sethokgweng, e ile ya bonagatšwa. Gomme ge . . .

Job, potšišong ya gagwe, “Ge monna a e hwa, a ka kgona go phela gape? Ke bona mohlare o a hwa, gomme o phela gape. Ke bona letšoba le a hwa, gomme le phela gape.” Yeo e be e le potšišo ya gagwe. “Eupša monna o robala fase, o neela moya, o a senyega. Ba gagwe barwa ba tla go lla, gomme ga a bone seo. Oo, o ka re O ka nkuta lebitleng go fihla bogale bja Gago bo fetile!” O be a sa kwišiše gore ke ka baka la eng letšoba le be le ehwa gomme la phela gapa, bjang letlakala le ka kgomorologa go tloga mohlareng, go ya fase, gomme la robala godimo ga mobu, gomme la tla morago gape ka seruthwane. O rile, “Monna o robala fase, gomme o ya kae? Ke dumela Modimo; eupša go direga eng go monna?”

⁹⁹ Eupša nako yeo letšatši le lengwe legadima la thoma go gadima, medumo e thoma go rora, Moya o tla godimo ga moporofeta. Gomme o bone go tla ga Monna Yoo a kgonnego go bea seatla godimo ga monna wa go tlalasebe, gomme Modimo yo mokgethwa, a dira letšibogo tseleng. Nako yeo a goelela, “Ke a tseba Molopolodi wa ka o a phela! Le ge diboko tša letlalo di ka senya mmele wo waka, eupša mo nameng ya ka ke tla bona Modimo!” O lemogile seo tsogo e bego e le sona.

¹⁰⁰ Balaka ga se a ke a lemoga Morongwa go fihla ge mmoula o boletše ka maleme. Balaka ga se a ke a kgona go lemoga gore Morongwa o be a eme tseleng ya gagwe. Wa sefoku moreri ga se a ke a lemoga gore e be e le Modimo a eme tseleng ya gagwe, a leka go mmoloka go rekišeng mpho ya gagwe ka tšhelete. Gomme ge mmoula o boletše ka lentšu la motho, ke nako yeo Balaka a lemogilego gore e be e le Morongwa a eme tseleng ya gagwe, a leka go mo efoša go direng seo a bego a se dira.

101 Oo, lena dikereke tša maina tša difofu! Ge Modimo a kgona go šomiša mmoula, wo e lego semuma, go bolela ka leleme le o sa le tsebe go, go utullela modiredi gore o tšwele tseleng, A ka se kgone go šomiša monna go dira selo se se swanago? Batho ba go fofatšwa!

102 Ge Ahaba a ka ba a ile a lemoga letšatši la gagwe, o be a ka be a se a ke a ahlola moporofeta, Mika, ka Lentšu la Modimo la tshepišo go yena.

103 Ge Ahaba a eme fao ka tšatši leo, yena le—le Josefate. Gomme ge ba na le baporofeta ba makgolo a mane fao ba porofeta, ba re, “Rotoga! Tšohle di lokile. Ahaba, o phela sebeng. O re dirile kereke ya leina ye kgolo! Re batho ba bagolo. Re bodiredi bjo bogolo. Ke rena ba, re makgolo a mane a baprasta ba ba hlahlilwego, goba baporofeta. Re makgolo a mane, re hlahlilwe ka Lentšu le ka thutabomodimo. Re tseba tšohle ka Yona.”

104 Ka fao, bjale, se netefatša gore ba be ba sa tsebe selo ka Lona. Monna yo ba bego ba mmitša segafa sa monna, mo molokong wa pele ga bona, Eliya, moporofeta wa therešo wa Modimo, o be a porofetile, “GO RIALO MORENA, ‘Dimpša di tla latswa madi a gago, Ahaba!’” Le a bona?

105 Eupša baprasta bao, baporofeta ba go dirwa-ke batho, ba be ba gopola gore ba Le beile gabotse. Ba rile, “Tate Abrahama. . . goba, Tate Ahaba, hlatloga! Morena o na le wena. O na le Lengwalo, ka baka la gore Modimo o file naga ye go Israele. Ke ya Israele. Hlatloga! Morena o na le wena.” Oo, nna!

106 Eupša, le a tseba, Josefate, yo a bego a se a hlakahlakana sebeng bjalo ka ge Ahaba a dirile, o ile a bona dilo ka mo go fapanego gannyane. O ile a re, “A ga go na le yo mongwe gape?”

107 O ile a re, “Re na le yo mongwe mo, eupša ke mo hloile.” Le a bona? Modimo o be a dira eng? A remela batho ba Gagwe go ba ntšha, ka moporofeta, gape. “Ke mo hloile. Ga A dire selo eupša e no ba go nkahlola nako ka moka. Gomme o a tseba ke nna monna yo mogolo. Ke be nka se be le seminare se mo tlase ge ke be ke se modumedi yo mogolo. Ke na le banna ba ba hlahlilwego gabotse. Ke ba beile tlase kua le dipuku le Dibeibele, le tše dingwe tšohle, go ruta se. Gomme ke a tseba ke banna ba bagolo.”

Eupša ge Ahaba a ka ba a ile a no lemoga gore monna yoo e be e le mang, moditšana yo monnyane monna wa go lebelelega botšukutšukwana, morwa wa Imla, a eme fale, a mmošša, “GO RIALO MORENA,” o be a ka se dire phošo ye kgolo yela ye a e dirilego. Eupša o ile a ahlola Mika. Ga se a ke a dira. . .

Oo, batho, lemogang nako yeo le phelago mo go yona! Lebelelang seo se diregilego. Lebelelang seo se tshepišitšwego. Lemogang letšatši leo le phelago mo go lona.

108 Ge kereke ya leina lehono e ka kgona go lemoga gore ke ka lebaka la eng di ahlolwa, gomma maloko a tšona a tšhaba go tšwa go tšona, bjalo ka Israele go tšwa Egepita! Ge dikereke tsa maina dika no tlogela go ahlola ditheipi tšeo, gomme tša di thaetša! Gomme le wena, moreri, o theeditšego theipi ye, theetša! Ge feela o ka no lemoga iri ye o e phelago, ge feela o ka no lemoga seka sa nako, o tla bona gore ke ka baka la eng batho ba tšhaba go tšwa go tšona dikereke tša maina. Moya wa Morena, o a bitša! “Ga go monna yo a ka tlogo go Nna,” go ilalo Jesu, “ntle le ge Tate a mo gogile. Gomme bohle ba Tate a, dinakong tše difetilego, Nneilego, ba tla tla.”

109 Bjalo ka mosadi yo monnyane sedibeng, le moprista, ba be ba fapana bjang! Mongwalo wa seatla o godimo ga lebotlo la lehono, gape. Ba o bona, eupša ga ba o lemoge.

110 Ge BaJuda ba ka be ba lemogile seka se tshephišitšwego sa Messiah wa bona, go ya ka moprofeta wa mafelelo wa bona! Maleaki 3 o rile, “Bonang, Ke roma motsetša wa Ka pele ga sefahlego Saka, gomme o tla lokiša tsela.” Gomme ba be ba bolela gore ba Mo lebeletše.

111 Gona—gona tlwa go se kopane go fihla—go fihla lehono! Ba bolela gore ba lebeletše se sengwe gore se direge. Dikereke ka moka di a rapela di itima dijo, gomme di re, “Bjale a re rapeleng. A re kopaneng mmogo. Re swanetše go ba le selo se segolo se se tla diregago. Re a tseba go na le se sengwe se segolo sa go tla go direga. Kereke e swanetše go ba komana madula a letile.” Ke seo ba se rapelelago.

112 Ke seo ba bego ba se rapelela kua. Gomme fao go tla Johanne Mokolobetši. Ka baka la gore, o ganne disimineri tša bona, ka baka la gore o dira go fapane le seo botatabo ba se rutilego. O tšweletše lehanateng a se na le thuto. O tšweletše a se na le kholoro yeo e retolotšwego, bjalo ka ge go be go ka bolelwa lehono. O tšweletše a se na le sehlopha se segolo sa thutabomodimo. Eupša o atla, a tseba ka tshephišo ya Modimo gore e be e le wa go tsebatša Messiah.

O ile are, “O eme magareng ga lena bjale.” Gomme ba ile ba gopola gore o a gafa, ka baka la gore o be a sa tšwe dikolong tša bona. Mongwalo wa seatla o be o le lebotong, gomme ga se ba ke ba o tseba. Ba be ba bolela gore ba lebeletše Motho yo bjalo go tla; gomme O be a le thwi magareng ga bona. Gomme ga se ba ke ba Mo lemoga, le ge ba be ba re ba Mo lebeletše.

113 Go no swana, le BaJuda, gore ba ka gare, bjalo ka Bantle le tša bona, ka gore go porofetwa selo se se swanago, selo se se swanago. Ba boletše gore ba Mo lebeletše. Eupša dikereke tša maina gonabjale mo go Bantle, nako ya Laodikea di nno fofala bjalo ka ge ba be ba le bjalo, ka baka (la eng?) go porofetilwe gore ba be ba tlo ba bjalo. Se swanetše go phethega.

114 Ge Israele e ka be e ile ya no lemoga seka sa bona, ba ka be ba ile ba be ba tsebile gore nako ya Messiah ya go bonagala e be e le ka seatleng. Ge ba ka be ba ile ba lemoga!

Le a tseba, ba—ba barutiwa ba boletše seo go Jesu. “Ka baka la eng ba mangwalo ba re, gore, ‘Elisa o swanetše go tla pele?’”

115 Gomme Jesu a re, “Elisa o šetše a tlile, gomme ga se ba ke ba mo tseba. O šetše a bile mo, gomme ba šetše ba mmolaile. Ba dirile gabotse seo Lengwalo le rile ba be ba tla se dira.”

116 Ge nka be ba ile ba no lemoga, gore sona “segafa” se se bego se ahlola gabedi dilo tšeo ba di dirilego, se se bego se ahlola se sengwe le se sengwe se ba bego ba se dira. . . O rile, “Lena baikaketši! Le seke la thoma go. . . Dinoga ka bjanyeng, lena mantswinyana a dinoga, ke mang yo a le lemošitšego go tšhaba bogale bjo bo tlogo? Le seke la thoma go nagana ka mo go lena, ‘Re na le Abraham tata wešo. Re na le *se, sela*, goba se *sengwe*.’ Gobane ke a le botša, Modimo o kgona go tšošetša Abraham bana mo maswikeng a.”

117 Le seke la thoma go nagana gore le na le Lekgotla la Lefase mo seatleng sa lena, gomme le na le ditho tše di aparago botse tša lona. Modimo o kgona go bitša magotlo mo go tšoša bana go phethagatša Lentšu la Gagwe; diotswa, ba basepedimekgotheng, matagwa, batei ba ditaese. O kgona go e dira. E sa le Modimo.

118 Dikereke tša maina tše di foufadišwego, go no swana le Israele ye e foufadišwego, bobedi di porofetilwe go ba ka tsela yeo. Ke le laetša dilo tše di bapetšego, go fihla ke fihla lefelong le leo ke nyakago go tla bjale. Foufadišwe, bjalo ka—ka dikereke tša maina tša Bantle tša Nako ya Laodikea, di foufadišwe lehono go no swana le ge ba be ba le bjalo nakong yeo.

119 Nako ya Laodikea e swanetše go amogela Molaetša! Maleaki 4 o rile ba tla o amogele.

Eupša ba lebeletše eng? “Ya rena kereke ye leina e tla O tšweletša. Ge O sa tšwelele ka rena, Mapapatisi, Mapresbyterian, ma—ma MaAssemblies, MaOneness, go na le. . . ge re sa O tšweletše, Ga se therešo.”

Se se swanago le se ba se dirilego letšatši lela! Gomme se a tla gomme se ile, gomme ga se ba ka ba se tseba. Ga se ba ke ba se lemoga, le ge se be se phethagadišša Lentšu le lengwe le le lengwe. Jesu o rile, “Ba dirile bjalo ka ge go boletšwe gore ba tla dira. Ka fao ba tla dira Morwa motho,” O tla ganwa.

120 Bjale hlokomela, go swana bjale matsatšing a Bantle, go ya ka Mangwalo ao a tshepišitšwego a Maleaki 4.

Seo, Jesu a itšego, “Mangwalo ka moka a hebeditšwe, gomme ga go le mothalwana o tee wa Lona wo o ka swarwago gore a se phethagale.” Ga go na tsela ya go ka

thibela Lengwalo go ka phethagala. Ka moka a swanetše go phethagala. Gomme Jesu o rile le tla direga. Gomme fa re a bona le diregile. Re a e bona.

¹²¹ “Go bušetša” eng, matšatšing a a mafelelo? Lena banabešu ba dikereke tša maina, theeletšang! Go bušetša wa pentekoste, monyanya wa setlogo. Go swana le ka fao E bego o le ka gona mathomong, ka fao E tla bušetšwa pele ga ge Phalafala ya monyanya wa Israele e tla letšwa. Swanetše go bušetšwa! Go swanetše go ba se sengwe go dira se. Malaeki 4 e re e tla bušetša morago Tumelo ya botate, go bana, seo se tlogo go direga.

¹²² Ge Israele e ka be e ile ya lemoga Messiah wa bona, seka se se tshephišitšwego, ba ka be ba se mo ba lego gona lehono. Ge ba ka be. . . Eupša ke ka baka la eng ba be ba sa e dire? E kwiša bohloko. Ke ka baka la eng ba be ba sa e dire? Ka baka la gore Modimo o rile ba ka seke ba e dira. Ke ba ba kae ba ba dumelago seo, e reng, “Amene.” [Phuthego bjale e re, “Amene!”—Mohl.] Modimo o ril ba ka seke ba e dira.

Gomme yena Modimo yo a swanago o rile, mo go Lebaka la Phuthego Laodikea, se se tla direga, gomme se se pele ga bona. Ba ka kgona bjang go dira se sengwe eupša go se dira?

¹²³ Ge nka be ba ile ba no lemoga seka se se tshephišitšwego sa Messiah, seka sa Morwa wa motho! O tla ka leina la Morwa wa motho. Bjale, O be a le leineng, go kgabola Nako ya Pentekoste, Moyeng wo Mokgethwa, Morwa wa Modimo. Bjale, se se latelago ke Mengwaga ye sekete, Morwa wa Davida. “Borwa” bjo Boraro, yo a swanago Modimo. Yo a swanago, “Tate, Morwa, Moya wo Mokgethwa,” yo a swanago Modimo. Morwa wa Davida, Morwa wa Modimo. . . Morwa wa David, Morwa wa motho, Morwa wa Modimo, ke Modimo yo a swanago nako ka moka, a no ba ka diofising tše tharo tša go fapana tša mošomo.

¹²⁴ Ka fao “Tate, Morwa, le Moya wo Mokgethwa” ga se BoModimo ba bararo, eupša Modimo o tee mo mabakeng a mararo, mešomo ye meraro ya ofise, e le Tate, Morwa, le Moya wo Mokgethwa.

Eupša, go no swana le lehono, bofoku bja metlwae, go no swana le ka fao ba bego ba le ka gona nako yeo, ba foufadišwe ke metlwae, ga ba e bone. Ke ka baka le ng ba ka se e bone? Ba ka seke ba e bona. Gopolang, GO RIALO MORENA.

Le re, “Ke ka baka la eng o e bolela nakong yeo?”

Go no swana le ka moo Johanne a dirilego, go swana le ka moo ba bangwe ba bona ka moka ba dirilego. Go na le yo a kgomaretšego mo le mola, yo a swanetšego go tlišwa ka ntle. Oo, dinku tša Modimo, kwa Lentšu la Modimo! “Dinku tša ka di kwa Lentšu Laka.”

¹²⁵ Mosadi sedibeng o ile a lemoga letšatši la gagwe, ka seka sa Messiah. O be a le seemong se sebe. O be a sa nyake go goloma le tšona dikereke tšeo tša kgale, ka tsela ye di bego di dira. Di be di phela tsela ye nngwe le ye nngwe, gomme, dilo tšeo di bego di di dira, o be a sa dumele dilong tšeo. Eupša o be a tseba gore go tla tla yo Motee letšatši le lengwe. Moditšana yo monnyane kua, tseleng go ya sedibeng; o ile a hwetša Selo se a bego a se lebeletše, ge A thoma go mo utullela sephiri sa pelo ya gagwe, a mmošša sebe se a bego a phela go sona.

O ile a re, “Mohlomphegi, ke a bona gore O Moporofeta.” Bjale, ba be ba se ba ke ba e ba le yo motee mo mengwageng ye makgolo a mane. O rile, “Ke a bona gore O Moporofeta. Gomme ke a tseba gore ge Mesia a etla O tla dira dilo tše.”

O ile a re, “Ke nna Yena.”

¹²⁶ O ile a lemoga. Go be go sa hlwa go na le potšišo, “A o ka e hlatsele bjang?” E be e šetše e hlatsetšwe. “Ge Messiah a etla, se ke se A tlogo go se dira.”

Go lokile, ge a kgona go le lemoga ka Mangwalo, a re ka se kgone go lemoga Seetša sa manthapama le seka sa lehono?

“Re a tseba gore ge Messiah a etla O tla re laetše dilo tše ka moka. O tla re botša se.”

O ile a re, “Ke Nna Yo a bolelago le wena.”

¹²⁷ Ga go sa na le potšišo. O ile a sepela, gomme a botša batho, “Tlang, le bone! šo Yena.” Ga go sa na le potšišo go yena. E be e rarolotšwe, ka gore o ile a lemoga letšatši leo a bego a phela mo go lona. O ile a le lemoga.

¹²⁸ Ka fao go dirile le Nathanael, Moheberu yo mogolo, ge a bona seka sela sa Mesia seo se bego se tshepišitšwe fao; go sa tshwenye gore go baprista ba bakae, ke dilo mang tše kae gape.

Na e ile ya dira eng? E ile ya šitiša baprista, go bona batho ba tlogela dikereke ba sepela. O ile a re, “Ge yo mongwe wa lena a ka tsenela kopano ya Gagwe, o tla kgaolwa. Re tla go bea ka ntle ga kereke ya leina.”

¹²⁹ Ka fao e bjalo le lehono. “Re tla go ntšetša ka ntle ga mokgatlo wa rena ge o kenela kopano ya gagwe.”

¹³⁰ O gopola monna wa sefofu? Tatagwe le mmagwe ga se ba ke ba kgona le go araba; ba be ba boifa. Ka baka la gore, ba itše, “Yo mongwe le yo mongwe yo a ilego go bona Jesu, goba—goba a tsenetšego dikopano tša Gagwe, ba tla kgaolwa.” Eupša, monna yola wa sefofu o ile a kgona go ipolella ka boyena, yo e bego e le sefofu o ile a kgona go bona nako yeo.

¹³¹ Nna, yo ke bego ke le sefofu, ke kgona go bona bjale. Nna, yo a bego a sa tsebe dilo tše, Di tsebišitšwe nna ke Moya wo Mokgethwa. Tlemolla, dikerekeng tša maina, ka baka la gore di etla, le ge go le bjalo! “Ge Ke phagamišitšwe go tšwa lefaseng, Ke tla gogela batho bohle go Nna.”

132 Nathanael o ile a le lemoga. O ile a le tseba.

133 Bjalo ka netefatšo ya Moshe ya Mangwalo, Lentšu le le bonagaditšwego. Moshe o be a tseba gore yeo ke tshephišo ya letšatši, ka baka la gore ke ya Mangwalo, go sa tshwenye gore ga e tsebalege. O ile a re, “Nka di botša mang. . . Ke tla ba botša gore ke bone Seetša morego ka mo lehanateng. Nka ba botša bjang gore go be go na Seetša morago mo, gomme Seetša se mpo ditše go theogela kua?”

O rile, “Ka therešo, Moshe, Ke tla ba le wena.” Gomme e sego feela. . .

134 Ge se A ke a Itaetša tlase Egepita; feela ka mehlolo le dika. Eupša gomme ge A ba hweditše ka moka a ba kgobela mmogo, O ile a bonala go bona gape, gomme a hlatsetša bodiredi bja Moshe pele ga Bahlaolwa le babediwa. Ge moporofeta wola a ba remile go ba tlemolla go tšwa go setšhaba sela gomme a ba tliše lefelong, nako yeo Pilara ya Mollo ya tswelela gape, le godimo ga Thaba ya Senai.

135 E bapetše le lehono. Amene! Tumišo e be go Modimo! E feta bophelo go nna. Gomme mengwaga ya ka e thoma go namelela, gomme ke bona iri ya bohlaswa le bootswa e swiela dinaga le dilo, gona ke lebelela morago gomme ke bona se se diregilego. Pelo yaka e taboga ka lethabo, go tseba gore ka morago ga seabakana mokutwana wo wa lefase wa bodulo o tla phušulwa, eupša ke na le wo mongwe wo o o letilego ka kua. Ke leka go goga batho, go ba ripa go tšwa dilong tše le dilo, go ba gogela ka ntle; go ba laetša, ka Mangwalo, gore Modimo o eme fale; ka ponagatšo ya Pilara ya Mollo, yeo ba makgolo le dikete ba e bonego, le gona gore E tšewe, pele, ka khamera, nako ka morago ga nako, go e hlatsela.

136 Baekiši ba a tsoga. Therešo, go swanetše go direge. Baekiši ba ile ba tsoga ka letšatši la Moshe gomme ba dira selo se se swanago. Modimo o ile a re, “Ikaroganye, Moshe. O seke wa kgokega kgauswi le bona. Ke tla ba metša.” Gomme lefase le ile la ba metša. Gomme ka tsela yeo go bjalo lehono; eya morago lefaseng, dikimi tša tšhelete le tšohle. Le a bona?

137 Sa Moshe seka sa Mangwalo! E be e le—e be e le moporofeta yo mogolo yola wa Modimo yo a ilego a ya kua go ya go ba lokolla, gomme ba ile ba se lemoga. Ba ile ba lemoga seka. E be e le tshephišo ya kgonthe ya Mangwalo, e bonagatšwa.

138 Jesu e be e le yona tshephišo yeo ya Mangwalo, e bonagatšwa go mosadi. Goba, O be a le tlhathollo. Jesu e be e le Tlhathollo ya Mangwalo. Bophelo Bja Gagwe bo hlatholotše Mangwalo.

139 A ga o bone Molaetša wa iri? A o kgona go lemoga moo re lego? Molaetša ka bo ona, go tšwa Mangwalong, o go hlathollela iri ye re phelago go yona. Ke tlhathollo.

¹⁴⁰ Jesu o itše go Israele, “Ge o ka be o ile wa no tseba letšatši la gago.” Nakong ye nngwe, a dutše godimo ga Thaba ya Mehlware, O ile a lebelela kua, a re, “Jerusalema, Oo Jerusalema!” A lla. A lebelela fase. A bona.

E sego ka papetšo ye nngwe, mohlomongwe, tsela. Bjo bongwe bošego, mosong wo mongwe, e ka ba ka iri ya lesome, ge ke bona kereke yela ya seotswa. Botebo bja pelo ya gago, o kwa Moya wo Mokgethwa o tšholla megokgo.

“Jerusalema, Oo Jerusalema, ke ga kae Ke go alamela. Eupša o dirile eng? O bolaile baporofeta ba Ke ba rometšego go wena. O ba bolaile.”

Gomme Molaetša o rometšwe kerekeng, lehono, o bolailwe ke dithuto tša kereke ya leina. Lengwalo le bolailwe ke dithuto tša bona. Jesu o ile, “Ge nkabe fela le tsebile letšatši la lena! Eupša, le kgole kudu bjale, ke llata kudu bjale.” Ka fao go bjalo le ka dikereke!

¹⁴¹ Ke a dumela, ka pelo ya ka ka moka, o fetile topollo. Ga go tshwenye se o nyakago go se gopola ka yona, ke kgopolo ya gago. Ye ke yaka. Le a bona? Ga se wa swanela go ba le kgopolo yaka. Eupša ke a dumela o fetile topollo, gomme o sa le a, mo mengwageng ye mehlang goba ye tshela ya go feta. Ke a gopola. Le gopola Chicago. Hlokomelang se se diregilego go tloga nako yeo, gomme hlokomelang se tšwela pele se direga. Le a bona? Gopolang, leina la ka le pele ga sona. Le kgomaretše kua ntle. Ke O RIALO MORENA. Bonang ge a se a wišwa, tšwela pele.

¹⁴² Lebelela ke 1933, ka fao e rego basadi ba tla dira mo matšatšing a a mafelelo. Ka fao e rilego batho. . . Ka mokgwa wo Mussolini, ka mokgwa wo a tlogo go tla mafelelong a gagwe. Ka mokgwa wo Hitler a tlogo go tla mafelelong a sephiri. Ka mokgwa wo di ism tše tharo di tlogo go tla ka go bokomonise. Ka mokgwa wo metšhene e tlogo go tla, e swana le lee. Gape ka mokgwa wo basadi ba tlogo go apara diaparo gomme baswana le banna, le go swana le diaparo tša bona tša ka fase; gomme mafelelong ba tla mo ba aparago tša go swana le matlakala a mogo, godimo, ga bona. Ka mokgwa wo tiro ya bohlaswa, ka mokgwa wo ba tlogo go dira ka gona mo letšatšing le. Lebelelang se ba se dirilego. Gomme e mo pele ga lena, ka nako yeo.

¹⁴³ Ge basadi ba Bakriste ba ka kgona feela. . . ba ba bitšwago basadi ba Bakriste ba ka kgona feela go lemoga, ba ka kgona go lemoga gore moya wa bohlaswa, godimo ga bona ke wa diabololo, go ba dira gore ba kote moriri wa bona. Diabololo ke yena selo se nnoši seka dirago seo. Seo se kgahlanong le Lentšu la Modimo go wena, go no swana le ka mo sa go ba ka gona ka tšhemong ya Eden. Ba dirile eng? Ge feela nka be ba kgonne go lemoga! Ba leka gore, “Oo, moreri yola yo monnyane wa go

tšofala yo mokgethwa mopshikologi, ba re!” Ga se nna. Ga ke le botše seo le ka go se dira. Ke tsopola Lentšu feela. Ge feela ba ka lemoga gore ke diabololo.

¹⁴⁴ Ba ipitša Bakriste. Jesu o rile, “Le ka Mpitša bjang, ‘Morena,’ gomme le se dire dilo tšeo Ke rego le di dire?” Ba ka se kgone go ba Bakriste. Ga ke moahlodi wa bona, eupša ke no bolela se Lentšu le se boletšego. “Le ka Mpitša bjang, ‘Morena,’ gomme le sa dire dilo tše Ke rilego le di dire?” Gomme lohle Lentšu mo ke kutollo ya Jesu Kriste. “Le Mpitše bjang, ‘Morena?’”

¹⁴⁵ Ge ba ka kgona feela go lemoga gore ke diabololo, moya wa bohlaswa. Ba bakaone ba bannyane basadi ntle kua . . .

¹⁴⁶ Ke nagana gore le ke lefelo la go šiiša kudu leo ke ilego ka le bona bophelong bjaka, Jeffersonville, Indiana, la basadi ba mapona. Ke ile ka ba Hollywood. Ke ile ka ba mogohle. Ke ile ka ba lefase lohle, gomme ke bone mehuta ka moka ya tšhila. Ke e bone ka Paris. Ke e bone ka England, e lego kgoši ya bona ka moka.

¹⁴⁷ Ke nagana gore England e tla nwelela letšatši le lengwe ka fase ga lewatle. E swanelwa ke seo; manyala, tšhila, mokgobo! Ke bohlaswa bja bodiba bja tšhila ya lefase, balwile mangwalo, batho baganyetši kudu bao ke ilego ka ba bona bophelong bja ka. O ba se ka baka la gore o ganne Therešo.

¹⁴⁸ Billy Graham o rile o ile a swanelwa ke go tšeela mosadi wa gagwe ka ntle ga diphaka; dilo tša thobalano di tšwela pele magareng ga banna le basadi, bašimane le basetsana, gabotse ntle ka phakeng, pepeneneng. E ba bodiba bja tšhila; go bjalo le France, go bjalo kamoka tšekelele ya lefase. Gomme go bjalo le United States, e ba moetapele wa tšona ka moka!

¹⁴⁹ Lebelela go lehono. Dira gore ba kote meriri ya bona, ba apare tše kopana, marokgo, ba kgoge, gomme ba ipitša badumedi. Ga o lemoge, kgaetšedi, goba mosadi . . . Go ra, tshwarelo, e sego kgaetši yaka; go dira selo sa go swana le seo. Ga o lemoge gore ke diabololo? Eupša ke eng . . .

Go no swana le BaJuda ba kgale, le ka se dumele Lentšu le le bonagaditšwe ge Le netefatšwa go lena. Le lekeletše thwi godimo ga ditšo tša dikereke tša maina tša lena ge di re ka moka go lokile. Le bolela ka maleme, le tshelela godimo-lefase, le opela ka moya, gomme le kota meriri ya lena. O kgona go nagana Mokriste a dira seo?

Ke bone bodiabololo, ke bone dingaka baloi, ke ba bona ba bolela ka maleme gomme ba hlatholla, gomme ba tshelela godimo-le-fase gomme ba bina ka moya; ba enwa madi go tšwa legateng la motho, gomme ba roga Leina la Jesu Kriste.

¹⁵⁰ O re, “Nna ke wa kereke. Hallelujah! Letago go Modimo! Nna . . .” Ke wena wa eng?

Kereke ke Lentšu! Gomme Lentšu le re, “Ke dihlong go wena go se dira.”

Lena bafoufatšwa sehlopha sa Bafarasei, le hlalago bona bana ba badiidi go ya heleng ka mokgwa woo; ka baka la gore le boifela thekethe ya dijo, gomme le ka gomišetšwa ka ntle ga dikereke tša maina tša lena ge le ka thoma se sengwe ka Lona. Dihlong go lena, lena baikaketši! Ebang le dihlong ka sona. Le bona iri e batamela ka mokgwawo, gomme le tlošwa ke ditšo tša lena go tloga Lentšung la Modimo. Le ka direla eng, bafoufatšwe tenang!

¹⁵¹ Na Beibele ga e re le ile la foufatšwa? Na ga le kgone go kwišiša gore le difofu? Beibele e rile le be le le. “Gomme le a ponapona, o madimabe, o mo go šoro, o foufetše, gomme ga o se tsebe.” Ge le nagana gore le nale kereke ye kgolokgolo mo toropongkgolo, gomme le dira *se, sela*, goba se *sengwe*; gomme Beibele e re le badiidi ka mo le ka kgonago, gape le difofu. Gomme O sa eme mojako, a leke go go rekišetša setlolo sa mahlo; e sego go se rekiša go wena, eupša go go fa sona, gomme o ka seke wa se amogela. Phethagatša Lengwalo.

¹⁵² Ke letšatši lefe le le phelago go lona, batho? Na le lemoga iri, le lemoga seka?

¹⁵³ Ba ka kgona go lemoga feela, bona basadi, gore ke diabolo. Ke diabolo yo a sego botse, ka leina la bodumedi. O be a no ba ka wona mokgwa woo dinako ka moka. O tla go moporofeta yo mongwe le yo mongwe, o tla go sehlalifi se sengwe le se sengwe, o bile o tla go Jesu Kriste, bjalo ka motho wa bodumedi. Gomme Beibele e rile o tla “batamelana matšatšing a mefelelo,” le Mapentekoste, “gomme o tla fora le bona bakgethwa,” go tšwa ka kua kerekeng ya Mapentekoste, “ge go be go kgonega.” [Lefelo le le sego la gatišwa theiping.—Mohl.]

¹⁵⁴ “E sego bakae,” O rile, “gobane kgoro ke yeo e pitlaganego gomme mmila ke wo mosese, gomme eupša ga se bakae fao ba ba tlogo go o hwetša. Gobane bjalo ka ge go bile bjalo matšatšing a Noa, fao meboya ye seswai e ilego ya bolokega, ka fao go tla ba bjalo le mabowong a Morwa wa motho.” Nagana ka yona! Re phela letšatšing lefe? Na le lemoga iri, le lemoga letšatši?

Ke tšea nako ya lena ye ntši, eupša ke sa na le metsotso ye e sego mekae go fetiša. Le a bona?

¹⁵⁵ O ba dira gore ba kote meriri ya bona. Go lokile, ba re, “Ya rena kereke ga e ye le šedi go seo.” Le a tseba gore ke ka baka la eng? Ba fofetše.

“Ga go senye go kota moriri wa gago.” Beibele e re ke bjona! Le bile ke selo sa go hloka serithi go wena go no kota moriri gomme wa be wa rapela.

Le re, “Go lokile, mosadi o swanetše gore a apešwe.” Gomme Beibele e rile “moriri” wa gagwe ke seapešo sa gagwe. E sego kefa, moriri wa gagwe!

156 Go ka reng Moshe ge nka be a rile, “Ke tla rola kefa yaka legatong la dieta?” E be e ka se šome. Modimo o rile “dieta,” gomme Modimo o be a e ra dieta.

O rile “moriri,” e sego kefa! Letago go Modimo! O ratile seo, ke na le nnete. Tumišo e be go Modimo! O ra feela se A se bolelago. Lengwalo ga le na le tlhathollo ya sephiri. Ga le re feela kereke ya gago ya leina; Le ra se Le se bolelago, gomme Yena ke mohlatholli.

157 O re, “Ke tseba mosadi yo a dirago seo.” Ga ke hlokomele se o se tsebago. Ke tseba se Modimo a se boletšego ka wona. O a itshwanaswanetša.

158 Ge o ka kgona feela go lemoga seo e lego sona, mohumagadi. U! Ge o ka no kgona go lemoga! Goba, “mosadi,” e sego mohumagadi.

159 Ke bone leswao, ke etla ke theoga go tšwa Blue Boar, fase, ke a dumela ke Fifth Street kua, bonwela bjala, le rile, “Ditafola tša bahumagadi.” Ke ile ka no ema fao; ka re, “Ga se le ke la ba le e tee.” Mohumagadi a ka seke a be a ya ka lefelong le le bjala. Mosadi a ka no ya, eupša e sego mohumagadi.

160 A le kile la hlokomela, go wa ga lefase go thomile ka bootswa bja mosadi? A le a tseba gore le swanetše go fela ka tsela ye e swanago, bootswa bja mosadi? Gomme kereke, e swantšhwa, ka mosadi? Kereke ke mosadi, ge go bolelwa semoyeng.

Ka fao Monyalwa ke mosadi, ge go bolelwa semoyeng.

161 Bohlaswa bja kereke, ka mokgwa woo bo dirwago! Lebelela dipono, lebelela dilo, bona dipono le tšeo Modimo a di fago, gomme pono yeo ke therešo. Ke na le Beibele go okamela pelo yaka, go lena batho ba ba lego go theipi, gomme batheeletši ba kgona go e bona. Ke bone yeo! Modimo Ramatlaohle o a tseba gore ke Therešo. Ga se ka ke ka e tseba go fihla bjale. šo, “o a ponoka, gomme ga a se tsebe.” O be a no ba le nako ya gagwe ye kgolo. Ke wena yoo.

Eupša ge Monyalwa yo monnyane a etla ponagalong, o be a fapana. “Alpha le Omega!” Uh-uh.

162 Diabolo o a se dira. Eupša go swana le BaJuda ba kgale, ge ba bona Lentšu. . .

Gomme Jesu o rile go la Gagwe, O rile se go barutiwa ba Gagwe, “Phetlang Mangwalo. Le, le a tseba, le makatšwa ke Nna le bodiredi bja Ka. Phetlang Mangwalo. Ka Wona le nagana gore le na le Bophelo bjo bo sa Felego, gomme ke Wona a pakago ka Nna, A le botša gore Molaetša Waka ke eng. Ge le ka se kgone go dumela Nna, dumelang wona Mantšu a Modimo a a hlathollago go lena.”

163 “Re ka se be le Monna yo a buša godimo ga rena. Re na le bapriste ba rena, le bjalo bjalo.” Eya pele nako yeo, ke ka moka se seka kgonwago go boletlwa. Ke llata kudu, le ge go le bjalo. Tša dikereke tša maina ditšo tšeo di rego go lokile, ba theetša tšeo. Ba ka upše ba kwa. . . Le dumela le—le lentšu la—la monna go feta ka mo le dumelago Lentšu la Modimo. Ga ba lemoge. Dikereke lehono ga di lemoge Timothy wa Bobedi 3. Ge le. . .

164 Ke bona ba bangwe ba lena ba ngwala Mangwalo fase. Bjale, a ke Mangwalo a ke a tsopolago thwii go tšwa mo. Moo, ge yo mongwe le yo mongwe a ka direga gore a biletše tlhokomelo yaka godimo ga lona, goba letsogo laka godimo ga lona, nka kgona go ba laetša Lengwalo la gona. Le a bona?

165 Ga ba lemoge Timothy wa Bobedi 3, mo E rilego, “Matšatšing a mafelelo, batho e tlo ba ba ba thata le a bona, ba megabaru, ba go rata kgahlego ya nama go feta Modimo, babata sekgoro, dihwirihwiri, ba go se tsebe go itshwara, manaba a tše bolo (Monyalwa), le a bona; ba na le sebopego sa borapedi, eupša ba gana Maatla a bjona; ba ba bjalo o ba gerule. Go bona bao go na le ba go tsenela ba bangwe dintlong, gomme ba thopa basatšana ba ba imetšwego, imetšwego ba gogwa ke dikganyogo tša mehutahuta, ba go se rutege goba ba ka se kgone go fihlela tsebo ya Therešo le ka mohla wo mongwe.” Ba ka seke! Ba ka se kgone go e dira, gomme ba ka se kgone go se dira. Modimo o rialo.

Gomme, Bafarasei ba difofu, ga le kgone go e bona? Ga se ka befelwa; ke no be ke itilla sepekere gomme ke se tlišetša. Le dikereke ga di lemoge Se. Basadi ga ba kgone go e kwišiša. Ba be ba swanetše. . .”Ba ba imetšwego basadi, ba gogwa ke dikganyogo tša mehuta,” Hollywood, ka moka dilo tše tša mehuta, meriri ya go fokotšwa, ba apara mafonokana, ba apere difetola letlalo, ka moka dilo tše tša mehuta, tša go se tle ka tsela. A le a tseba gore mosadi o raloka karolo ye bohlokwa matšatšing a mafelelo?

166 Na le a tseba Beibele gore, e rile, “Bao ba phonyokgago go tšwa tlhokofalong ye kgolo ba tla ba lekala le lebotse pele ga Morena”? Letšatši le lengwe ke tla tla go yona, Morena ge a rata, go yona, e le ya lena basadi. Go dira gore le bone se Modimo a se naganago ka mosadi yo ka therešo a phonyokgago tlhokofatšo ye ya letšatši le. E rile, “Mosadi e tla ba yo mabotse.”

167 Ke kwele mosadi, letšatši le lengwe, a sega. . . Mosetsana, sehlopha sa basetsana ba ba nyakilego ba ponoka, le maitshwaro a fase go feta le a—go feta le a mpša tswetši, ba sega mosadi wa motšofadi wa roko ye telele. Theeletša mo, wena mosetsanyana wa go itshophaganya, mokgekolo o na le se sengwe se o sa tsebego selo ka sona. Mokgekolo o na le mekgwa. Ga o tsebe le gore leina ke eng. O le timeditše ka tharing, gabotse. Ga o tsebe le ge e ka ba botse go tšwa

phošong; yena o a tseba. Mosadi mogolo o na le se sengwe se se utilwego ka pelong ya gagwe se o sa tsebego selo ka sona. Wena o se timeditše; o ka se sa se hweditše. O seke wa mmitša wa fešene ya kgale, bjalo bjalo, go swana le ka mokgwa woo. Mosadi mogolo o tseba se sengwe se o sa tsebego selo ka sona. Mosadi mogolo o na le se se utilwego ka pelong ya gagwe, lehumo la tlhweko. Ga o tsebe lentšu le tee la yona. Mmago o go godišitše ka mokgwa woo. Modiši wa gago o se dumeletše; go laetša mo a emego. Ke rera ka yena gabotse mo bjale. Le a bona? Le a bona moo le lego gona, dikereke?

¹⁶⁸ Jesu o itše, “Ka moka Lengwalo le le swanetše go phethagatšwa.” Gomme Le phethagetše.

¹⁶⁹ Hlokomelang, “Bjalo ka ge Jannese le Jamporo le bona ba ile ba phegišana le Moshe,” o tla tla gabotse le yena, ba bangwe ba bona. E sego, bjale, ga a bolele ka Mamethodist, Mapapatise, mo; ba ka ntle ga seswantšho. Le a bona? “Eupša Jannese le Jamporo ba ile ba phegišana le Moshe le Aaron, ka fao le bona ba tla; banna ba menagano ye methata mabapi le Therešo,” ba arošeditšwe go dithutotayo le thuto ya kereke, go na le Beibele.

Gomme ka nako yeo Jannese le Jamporo ba be ba kgona go dira se sengwe le se sengwe se Moshe a bego a kgona go se dira. Le a bona, “bjalo ka Jamporo,” le bona papelano moo?

“Bjalo ka ge Jannese le Jamporo ba ile ba phegišana le Moshe, ka fao le banna ba ba a dira ba menagano ye methata mabapi le Therešo, ba E phegiša,” ba ka se be le Yona boagišaning bja bona, le bile ba ka se dirišane le Yona, ga ba na le selo se ba ka se dirago ka Yona. Eupša o itše, “Bja bona bošilo bo tla tsebišwa.” Ge Monyalwa yola a tšea la Gagwe leemo gomme a tloga go ya godimo magodimong, bo tla tsebatšwa, le seke la tshwenyega; bjalo ka Moshe, ge a tšere bana ba Israele, gomme a fofa go tšwa Egepeta, gomme Egepeta ya nwelela. Ka moka go lokile.

¹⁷⁰ Jesu o itše, “Lengwalo ka moka le filwe ka go hebetšwa, ka fao ka moka Lengwalo lela le swanetše go phethega.” Ge A . . .

Ba ile ba Mmotšiša, ba re, “O Itira Modimo.”

¹⁷¹ O rile, “Lena, go wa lena molao, le bitša baporofeta bao ba Lentšu la Morena le tlilego go bona, le ba bitša ‘medimo’, gomme ke bona.” O rile, “Gona le ka Nkahlola bjang ge Ke re Ke nna Morwa wa Modimo? Ka moka a Mangwalo a filwe ka go hebetšwa; ka moka ga Lona le swanetše go bonagatšwe, ka moka ga Lona le swanetše go phethagala.”

Bonang fao, ba be ba foufetše bjang, ba be ba tšeešwe godimo le lentšu la monna go nale gore ba tšeelwe godimo le Lentšu la Modimo. Ke se se dirago basadi go dira seo. Ke se se

dirago bareri go dira seo. Ba tšeelwa godimo le pišopo legatong la Jesu. Ba tšeelwa godimo ka go yona ya, bona—le ya bona mekotla ya tšhelete, phuthego ye kgolo.

¹⁷² E no bona ge eba ke tumile. Tšea batho, go tšwa Jeffersonville, le sehlopha se sennyane seo se lego fa go tšwa Jeffersonville; tšea batšwa ka ntle, ga Jeffersonville, ka ntle ga Tabarenekele ye mosong wo, ke be nka se be le seripa sa dozen se nka se rrelago. Ke eng yona? E dirilwe go tšwa nageng ka moka; go tšwa New York, go tšwa Massachusetts, go ya Boston, Maine, Tennessee, Georgia, Alabama, le go dikologa naga. Ba kgobokana ga mmogo. Amene! Seo ke se A se boletšego. “E tla ba Seetša nakong ya mantšibua.”

¹⁷³ Ga Ba kgone go lemoga Seetša sa mantšibua. Seo ke se e lego molato. Yona ga e no kgona go Se lemoga. E fufetše kudu. Beibele e rile o be a fufetše.

¹⁷⁴ Russia e nnoši e hweditše lefelo la yona mo lefaseng, ka saentshe, e sego mengwaga ye e fetago ye masome nne ya go feta. Le a tseba, ge Ntwa ya Pele ya Lefase e etla, ga se ba ke. . . Ba hlokomologile Russia. Ngwanešu Roy. . . E be no ba sehlopha sa boaošeditšeng, bagolo ba go tšofala ba Masiberia, ba tlhomuketše mogohle difahlegong tša bona, gomme ba be ba sa tsebe la goja le la ngele letsogo. Seo se lokile, Russia, eupša a lemoga lefelo la gagwe. O be a swanetše go se dira go phethagatša Lengwalo. Le tseba diporofeto tša ka tša tšeo ke rilego di tla direga, ka fao ka moka ga tšona di tlogo go kopana ka bokomonising. Bjale o eta pele lefase ka saentshe. Re tseleng morago ka morago ga gagwe. Ka moka lefase lohle le morago ga gagwe. O eta pele maamong a gagwe. O sa tšwa go no lemoga gore o bile le mabjoko, le yena.

¹⁷⁵ Hlokomela, monna o na le tšona dikwi tšela tše tshela a bego a na le tšona dikete tše tshela tša mengwaga ya go feta. Tshela ya dikete tša mengwaga tša go feta, le dikwi tšeo a bilego le tšona, o be a kgomana le legae la gagwe la lefaseng gomme a direla Modimo. Gomme bjale, mo mengwageng ye masomešupa tlhano ya go feta, monna o tlogile go tšwa go pere le karikana, go ya go sefofane. Ka lebaka la eng? O tlogile tumelong ya gagwe go Modimo, gomme a e bušetša go dikwi tša gagwe le bokgoni bja gagwe bjalo ka motho. Na o ile wa e lemoga? O tlogetše go tshepha Modimo. O a itshepha.

¹⁷⁶ Go swana le mosadi yo wa go se dumele. Na leina la gagwe ke mang, Washington moo, yo a fetotšego tšohle tše? [Yo mongwe o re “Murray.”—Mohl.] Na leina la gagwe ke mang? [“Murray.”] Murray, o rile, “Ge re sa na le masole le masole a dikepe, ga re nyake Jehofa wa go tšofala.” Uh-huh. Ga ke tshwenyege ka seo re nago naso.

Ke Jehofa goba ga go selo, go nna. A masole le masole a dikepe a nwelele, gomme di tla, eupša Jehofa o tla dula ka go

sa felego. Gomme ge feela ke le karolo ya Gagwe, le morwa wa Gagwe, ke tla dula le Yena ka go safelego; e sego ka pitšo ya ka goba kgetho ya ka, eupša kgetho ya Gagwe. Amene, amene! Ga gona le se a se dirago ka yona. Ke Yena o Tee! Mphe Yena goba mphe lehu. A ditšhaba di tsoge le go wa; Jehofa o tla šala. O se dirile, ka moka go putla mengwaga; ge Roma e ewa, ge Egepita e ewa, gomme bohle ka moka ga bona ba ewa. Gomme O sa nno šala e le Jehofa. Oo, halleluja! Ke ikwa ke le bodumedi.

177 Lebaka leo Russia e etla go boyona, e be e swanetše. Go no swana le Israele ge e be e swanetše go boela nagalegaeng. Modimo o ile a swanela go rakela Israele morago nagalegaeng; e ela Diphafala. Gomme bjalo Modimo o swanetše go rakela Russia godimo kua, ka bokomonisi, go dira tlwa seo se porofetilwego gore e tla di dira.

178 Monna le dikwi tša gagwe tše tshela o tlile, pere le kariki, a tshepha Modimo. Mo mengwageng ya go fela ye masomešupa-tlhano, o tlogetše go tshepha Modimo. Ge ba saena molaotheo wa United States, ba beile Modimo ka go se sengwe le se sengwe se ba bego ba se dira. Bjale ga ba be le ge e ka ba kopano, gomme ga ba bile ba bitša Leina la Gagwe. Seo ke therešo. Ba itshamile ka go phagama ga bona ga saentshe ya bona, ba, bohlale bja bona bja saentshe ya bona, goba sehlopha se sebe. Seo ke therešo tlwa. Lefase lohle le meditšwe ke go hloka tsebo ga Beibele. Bei-...lohle lefase le hlanogetše Modimo.

Eupša, e no gopola, thwi ka ntle ga bogare ga tšohle tseo, le kereke tša maina le bjohle bobe bja disiminare tša bona le selo se sengwe le se sengwe, Modimo o tšere Lentšu la moprofeta wa Gagwe gomme a remela ntle Monyalwa yo a tlogo go dumela. O rile O be a tla e dira. O matlotše go tšwa go selo seo se A tshephišitšego gore O be a tla se dira.

179 Ba itshama godimo ga bohlale bja bona bja setho, saentshe ya bona ya setho, le go ya pele; ba tlogetše Modimo ka ntle, Yo a kilego a mo tshepha. United States e tlogetše Modimo ka ntle. Ba bile ba Mo ntšheditše ntle ka sekolong, ka gore le bana ba rena ba bannyane ga ba kgone le go kwa ka Yena. Ba Mo ntšheditše ka ntle ga sekolo. Bjale ba leka go Mo ntšha go tloga go ditolara, “Re tshephela go Modimo.” Ba ya go o tloša go tšwa go keno ya thekgo go ya go folaga, “Setšhaba se tee ka fase ga Modimo.” Ba ya go ntšhetša seo ka ntle.

180 O a bona, ba ile go maikutlo a bona le dikwi tša bona. Ka baka la gore, mengwageng ya go feta ye masomešupa-tlhano, ga se a be a fetoga le ga nnyane mo dikwing tša gagwe, e sa le monna yo a swanago yo Modimo a mo hlotšego mathomong.

Eupša, mo matšatšing a mafelelo, a ga o kgone go lemoga moo re lego? Gomme kereke e tlogile, go Modimo, go ya go

sela, go ya go siminare le boitemogelo, le go ya pele, go e na le Lentšu. Ga ba Mo lemoge le ka dikopanong tša bona, ka dikolong tša bona, goba e sego selo, gape.

¹⁸¹ Israele, mo mengwageng ye masomepedi-tlhano ya go feta, e be e lemoga gore se sengwe se ba tlišitše nagalegaeng, bjalo ka ge go be go tshephišitšwe. Ga ba tsebe gore se be se ile sa dirwa bjang. Ba ile ba tlaišega bjalo ka se sengwe le se sengwe, bohwela tumelo, ka tlase ga tšona Diphala-fala, eupša ba nagalegaeng ya gabobona. Ga ba tsebe gore ka lebaka la eng.

¹⁸² Ke ka lebaka la eng Russia e ile ya tsoga? Ke ka lebaka la eng ditšhaba di ile tša tsoga? Ke ka lebaka la eng monna a ile a kgona go fihlelela? Ge borasaentshe, makgolo a mararo a mengwaga a go feta, rasaentshe wa Mofora a ile a dikološa polo ka lebelo le le itšego go kgabola lefase, gomme a netefatša, ka nyakišišo ya saentshe, “Ge monna a ka dira lebelo le le šiišago la dimaele tše masometharo ka iri, kgogedi e ka mo tšea go tloga lefaseng; go ya ka boima bja gagwe, go ya ka boima bja polo.” Bjale o ya ka dikete tše lesomešupa tša dimaele ka iri, o a bona, o sa leka go namelela godimo. O sa tšwa go lemoga seo, moragonyana. Ka baka la eng? O swanetše go ba ka tsela yeo.

¹⁸³ Ka baka la eng, kereke e be e tlwaetše go ema godimo ga leswika la Jesu Kriste. Go sa tshwenye gore yo mongwe o rile eng, ba be ba dula thwi le Lentšu, molaetša wa nako; Luther, Wesley, le fase go putla kua. Gomme bjale ba boetše morago go metlwa. Ke ka lebaka le eng e se dirile?

¹⁸⁴ Mengwaga ye masomepedi-tlhano ya go feta, Israele e sa tšwa go lemoga gore ba ka nagalegaeng ka baka la se sengwe. Go porofetilwe gore ba tla kgobelwa gape; Hosea o rile bjalo. Re e badile lebakanyana le go feta. Modimo re thuše go e kwišiša! Tšohle di lokile.

¹⁸⁵ Ka nako ye e swanago, Monyalwa o lemogile Seetše sa mantšibua, o sa tšwa go thoma go lemoga. Mapentekoste ao a swerwego ke tlala a thomile go lemoga gore yona mekgatlo ga e na le le ge e ka ba selo seo ba bego ba se lebeletše, ba phetlilwe ba gagotšwe. O a bona, ke nako ya temogo, temogo. O swanetše go lemoga.

Lefase le lemogile. Ditšhaba di lemogile. Saentshe e lemogile. Diabolo o lemogile ke nako ya gore a ka šogaganya basadi, a ka šogaganya kereke, a ka šogaganya batho. O e lemogile.

Gomme Modimo o lemogile gore go na le batho mo lefaseng bao A ba kgethetšego pele go ya Bophelong. O lemogile gore ye ke nako ya go romela Molaetša wa Gagwe. O se dirile. Batho ba O lemogile, nako ya Monyalwa e lemogile Seetša sa mantšibua.

¹⁸⁶ Ge Sodoma e ile ya ke ya lemoga letšatši la gagwe, ge a bona batseta bale ba etla go theogela fale, bjalo ka Billy Graham le Oral Roberts!

¹⁸⁷ Bjale, motho wa bobbe mo Phoenix o ile a no ema a re. . . a bapala karolo yela godimo ga—ga theipi, gomme a re ke rile mo, ke “swanetše go kolobetšwa ka Leina la Jesu,” a bolela seo. Gomme nako yeo a re, “Bjale o a bona *mo*, godimo mo o rile. . .” Ge ke be ke bolela ka Afrika, ka fao ba kolobetšago ga raro sefahlego pele, le morago. A re ke rile, “Ga e dire phapano e itšego.” O a bona, ga se a ke a bapala theipi ka moka; karolo yeo feela, gomme a e ripa.

Seo, e be e tla ba molato wo mogolo go se dira. Tšona ditheipi di neetšwe ka botlalo go morekiši. Ga go yo motee a ka kgonago go di senya. Bokaone o seke. O—o—o na le molao godimo ga gago. Eupša a re ka e dira? Aowa. O rile, “Ba tlogele ba nnoši.” Modimo o mpoditše seo se yago go direga. E no ela hloko, e no bea mahlo godimo ga motho yoo. O a bona?

¹⁸⁸ Nako ye e swanago, Monyalwa o lemogile Seetša sa mantšibua.

Ge Sodoma ba ka ba ba ile ba lemoga iri ya bona!

¹⁸⁹ Bjale, motho yo a swanago o beile theipi, a re, “Lebelelang mo, lena batho ba Pentekoste,” a re, “le lena Mapapathisi. Monna yo, moporofeta wa maaka, William Branham,” o a bona, o rile, “Oral Roberts le Billy Graham o be a le Sodoma.” O a bona, ka fao a ripa theipi; seo ke moka, o a bona.

Ga se nke a tšwela pele go bolela, seo, “E be e le botseta go Sodoma.” E sego ka Sodoma, “Ba be ba le fao bjalo ka motseta go Sodoma.” Yo mongwe le yo mongwe o a tseba ke boletše seo. Bapala theipi ya gagwe.

“Yo a ka go fokotša go tšwa goba a oketšago, yena yoo go tla tšewa go tšwa go yena.” Ke Lentšu la Morena. Le eme ka tsela yeo.

¹⁹⁰ “Ge Sodoma e ka be e ile ya lemogo motseta wa yona, e ka be e sa eme lehono,” Jesu o itšalo, ge nkabe e lemogile go swana le ka fao Abraham a go lemoga.

Abraham o tsebile gore morwa wa tshephišo o etla. Eupša o tsebile gore go swanetše go ba le phetogo ka tsela ye nngwe, ka gore o be a tšofetše kudu, gomme ka mokgwa woo le Sarah. Gomme ge a bona yoo o Tee Yo a kgonago go hlola megopolo ya Sarah, ka morago ga Gagwe, o ile a lemoga iri ye a bego a e phela. O ile a re, “Morena waka, a ke ye go tšea meetse a mannyane mo gomme ke hlatswe maoto a Gago.” Ba jele mothama wa senkgwa. “A nke ke rapele Wena, swarelela lebakanyana le letelele,” bona, mo, “waka M-o-r-e-n-a,” tlhaka kgolo M-o-r-e-n-a, “Elohim.” O lemogile gore Modimo o be a bolela le yena go tšwa nameng ya motho. O lemogile seka sa gagwe, gomme a šegafatšwa ke Morena.

Sodoma ga se nke e lemoga letšatši la gagwe, gomme a fišwa. Jesu o rile, “Bjalo ka ge go be go le bjalo letššing leo, go tla ba bjalo ge Morwa wa Modimo. . . goba Morwa wa motho a dirwa go bonagatšwa.”

¹⁹¹ Bjale, kereke ga se e lemoge letšatši la gagwe. Bjalo ka Israele, e gapeletšwe morago Palastena, e ya go gapeletšwa ka Lekgotleng la Dikereke tša Lefase. Ka lebaka la eng? Ga se nke a lemoga iri ya gagwe. “Batho, etšwang ka go yena, le seke la ba batšea karolo ba sebe sa gagwe!” Tšhabišang, bophelo bja lena, goba le tla swarwa ke leswao la sebata gomme le ka se kgone go dira selo se sengwe ka lona.

“A wa ditšhila a fele a le wa ditšhila. A yo elego yo mokgethwa, e sego e tla ba yo mokgethwa, “mokgethwa bjale. A yo e lego yo mokgethwa,” e sego wa go kot-. . . basadi ba go kota-meriri; a ka se kgone go ba. Bjale, seo se kwagala se alegile, eupša seo ke Lengwalo. Beibele e re, “O nyatša hlogo ya gagwe,” gomme hlogo ya gagwe ke mogatšagwe. Hlogo ya Gagwe ke Kriste, ka fao o nyatša Kriste. A ka ba bjang wa “lenyatšo” gomme a seke a ba “ditšhila”? “A yo a nago le moriri wa go kotwa ao boloke. A yo, yo a aparago mafonokana a tšwele pele a apara. A yo a ganago Lentšu a tšwele pele a Le gana.”

“Eupša a yo e lego yo mokgethwa e fele e le yo mokgethwa. A yo e lego moloki e fele e le moloki; Lentšu la Modimo la toko, Morwa wa Modimo a dirwa go bonagala. Feleng le le ba bakgethwa, feleng le lokile!” Lemogang! Eye, mohlompegi! Matšatši e sego. . .

Kereke ga se ya lemoga letšatši la gagwe.

¹⁹² Bjalo ka Israele, morago nageng ya gagwe ya tshephišo, ga a tsebe gore o boetše bjang morago kua. O nnore ka mo go sego gwa letelwa a bewa morago kua. Ka baka la eng? Ya Bosetšhaba kgapeletšo e mmeile lefelong la gagwe.

Bjale ke ya go bolela se sengwe. Ya Bosetšhaba kgapeletšo e beile Israele ka nagalegaeng ya gagwe; kgapeletšo ya bosetšhaba e tla bea kereke ka go Lekgotla la Lefase la Dikereke; eupša maatla a Modimo a tla bea batho ka go Monyalwa. Lefase le gapeletša ka tsela *ye*, gomme lefase le gapeletša ka tsela *yela*, eupša Modimo o gapeletša go ya godimo. Moya wa Modimo, e lego Lentšu la Modimo, “Lentšu la ka ke Moya le Bophelo,” le tla bea Monyalwa ka lefelong la Gagwe. Ka gore, O tla lemoga seemo sa Gagwe mo Lentšung, ka gore O mo go Kriste, le tla Mmea ka lefelong la Gagwe. Ga go kgapeletšo ya bosetšhaba eka se dirago. Eupša kgapeletšo ya bosetšhaba e gapetše Israele go ya nagalegaeng; dikgapeletšo tša bosetšhaba tša Lekgotla la Dikereke di tla gapela mokgatlo wo mongwe le wo mongwe ka go lona; eupša Maatla a Modimo a tla rotošetša Monyalwa go ya Letagong, go tšwa go lona.

193 Oo, batho, lemogang letšatši la lena, bjalo ka ge Jesu a le seboditše; seka sa Sodoma, le seemo sa kereke sa letšatši le.

194 Lebelele se A se boletšego mo letšatšing gore sa tla direga. Theeletšang go sona ka sekgauswi. Seka sa Sodoma se tla tšea sebaka mo letšatšing; seka bjalo ka Abraham, letšatši lela pele ga Sodoma; a go biletšwa ka ntle. Ka moka dilo tše tšeo di porofetilwego, di tla tšea sebaka bjale. Ela hloko letšatši le o le phelago. Re ile ka godimo ga lona le ka godimo ga lona.

195 Bjale O tshephišitše go romela Seetša sa Legodimo, go buduša Lentšu Peu leo le tlogo bjalelwa letšatši le. Peu e ka *Mo*. Peu ke Beibele. Ka baka la eng? Jesu o itše bjalo. “Lentšu ke Peu yeo mobjadi a e bjetšego.”

Gomme, bjale, pele ga ge o ka ba le lebele lefe kapa lefe, go sa kgathalege ge o bjetše peu, e swanetše go ba le seetša go buduša peu, goba e tla bola gomme e ka se dire botse; e tla senyega. Eupša ge le na le peu ka mabung, mobu wa nnete, le mohuta wa nnete wa seetša sa letšatši godimo ga wona, e swanelwa ke go butšwa.

Gomme O tshephišitše gore matšatšing a mafelelo, nakong ya mantšibua, Morwa o tla tšwela ka ntle go buduša Peu yeo. Peu e a rerwa. Morwa wa Modimo o buduša Peu yeo, ka go E bonagatša, go E dira gore e kgoromeletše ka ntle pele ga gago gomme go hlatsela gore Ke ya nnete. Le ya e hwetša? [Phuthego e re, “Amene.”—Mohl.] Lemogang letšatši la lena.

Ke a tswalela bjale. Ke nako bjale ya go tswalela.

196 Gomme bahumi, bafoufatšwa, barutegi ba Laodiatše ba tla bea Lentšu go tšwa magareng ga bona. A ba se dirile? [Phuthego e re, “Amene.”—Mohl.] O rile ba tla dira.

Bjalo ka ge baporofeta ba kgale ba be ba rometšwe go bonagatša Lentšu le le tshephišitšwego la letšatši la bona, gore batho bao ba bego ba kgethetšwe pele, letšatši la bona, ba Le bona. Go swana le mosadi sedibeng, go swana le Nathane, go swana le Barathomio wa sefoku, go swana le Petro, le bohle ba bangwe bao ba Le lemogilego. O be a le Lentšu leo. Gomme botšweletši, “Ge Ke sa dire mediro ye Tate a tshephišitšego gore Ke tla e dira, gona le seke la Ntumela. Eupša ge Ke dira mediro, le ge le sa Ntumele, dumelang yona mediro. E tla le botša Yo ke lego Yena.” Le a e hwetša? Tšohle di lokile, o seke wa foša letšatši, le rometšwego. Banna le basadi ba matšatši a mangwe ba Le lemogile, gomme ba tsena ka gare gomme ba bolokega.

197 MaPentekoste, oo, nna, le reng le sa lemoge letšatši la lena? Lemogang letšatši la nako ya manthapama. Le mo, gomme le mo, gore, go bonagatša go tla ga Kriste, go le bonagatša. Re mafelelong. Lemoga letšatši la gago.

¹⁹⁸ Ke a tseba ke le swareletše nako ye telele. Ke iri ya lesomepedi bjale. Eupša, ke rata Dijo tše, Se ke Bophelo. Ke bjona. Ke bjona, go modumedi. Lemoga letšatši le o le phelago, le seka sa nako.

¹⁹⁹ Bona moo se sengwe le se sengwe se lego: Israele; moo kereke; moo bootswa; moo Monyalwa a emego. Ke eng se se šetšego? Selo se se latelago, go tšeelwa godimo ga Monyalwa. Go bjalo, kereke ye nngwe le ye nngwe e lebeletše selo se segolo. Pentekoste e re, “Letago go Modimo! Moo go tla tla letšatši leo ba yago go dira se, gomme ba ya go dira seo.” Le a bona, ke diphorofesa. Ba a dumela.

²⁰⁰ Go swana, nako ye nngwe, Kayafa o rile, “A ga gwa loka gore monna o tee o swanetše go hwa, gomme e sego gore setšhaba sohle se senyege?” E be e le moprista yo mogolo, Beibele e rialo, lebaka le a boletšego seo. O porofitile, a sa tsebe se a bego a se boletago. Eupša a o lemogile therešo ya kgonthe ya yona, gore o be a neela yena Modimo yo a bego a mmolla go ba moprista yo mogolo wa gawe?

Ka fao e bjalo, lehono! Ba a lebelela, ka kua mo gongwe, go ye—ye kgolo nako ye e tlogo.

²⁰¹ Ka lebaka la eng, ke ya kopanong ya Banna ba Kgwebo le bona. Ba re, “Letago go Modimo!” Bona bareri ba ema gomme ba no šišinya setšhaba, gomme ba re, “Kua go tla tsošetšo ye kgolo. Letsogo la Morena le ya go ba godimo ga lefase!” Gomme ka moo batho ba yago pele, ba kitima bjalo ka... Gomme ga ba lemoge gore e ka tlase ga Diphalafole tša Israele. Ka baka la eng ba se dira? Ke ka baka la gore ke diphorofesa tša Bakriste, gomme ga ba lemoge. Le Kayafa ga se a ke a lemoge se a se dirago. Gomme ga ba lemoge gore ba gana wona Molaetša wo o rometšwego go bona. Amene!

²⁰² Ye nngwe le ye nngwe karolo ya Lengwalo, re ile go e kgabola letšatši ka morago ga letšatši, gomme beke ka morago ga beke, go fihla ge e ba Therešo ye e sa ganetšegego. “Ge sefofu se ka se kgone go E amogela,” Jesu o rile, “ba tlogeleng ba nnoši. Ge sefofu se hlahla sefofu, ka moka ba tla wela ka moleteng.” Ga ke tsebe neng, ga ke tsebe kae, eupša ke a tseba e etla.

²⁰³ O a tseba, ke bona gore ka baka la eng Sathane a se a ke a nyaka ke dira se. Maabane, ke ikwetše gampe ga se nke ke kgona go hwetša Lentšu go tšwa go Morena. Ke dirile se sengwe le se sengwe ke bego ke tseba ka fao nka se dirago, gomme ga se ke kgone. Gomme mosong wo, ge ke emelela... ke itšetše dipapi, maabane, gomme e bonagetše o ka re e robetše thwii ka mpeng yaka. Ke be ke babja kudu, ke nno—ke nno se kgone le go e hwetša. Ka nagana, “Ke eng lefaseng molato? Ke ya tlase kua, gomme ga ke tsebe gore ke ya go reng. Gomme, Morena, ga ke kgone le go hwetša Lengwalo ka kgopolong ya ka, go ngwala fase. Ga ke kgone go hwetša selo.” Ke ile ka no se tsebe gore nka dira eng.

Ka fao, ka morago ge Molaetša o thoma go tla go nna, Sathane o ile a tšwelapele a re, “O ikwa gampe kudu. Hlogo ya gago e a gobatša. O a babja. O ka se kgone go ya tlase kua. O ka se kgone go ema kua. E ya go ba se, go ba sela.”

²⁰⁴ Ke a gopola, nako ye nngwe, setori sa motho wa setlogo wa England. E be e no ba motho wa mehleng. Gomme ba rile kgo—kgo—kgo kgoši, yo mongwe wa dikgoši matšatšing a pele o be a e ya ka go wa gagwe—gagwe ngwako wa bogoši. Gomme, se, o be a se na le o tee. . . O be a na le molaetša o be a swanetše go o hwetša pele, molaetša wa tšhoganetšo, ka baka la lenaba. Gomme ka fao a—a—re go mogwera yo monnyane a eme fale, a re, “Mo, tšea molaetša wo, tšea molaetša wo! Hlaganela go ya lefelong *tsoko—tsoko*, gomme laela *se* gore se dirwe.” Gomme a re, “Tšea lepara laka ka seatleng sa gago. Leo le tla go bonagatša, gore ke nna. . . o romilwe go tšwa go nna.”

²⁰⁵ Gomme a le hlomela ka fase ga kobo ya gagwe, gomme šole a ya. Baliti mo gohle ba mo emiša, yo mongwe le yo mongwe gape. A goeletša, “Tloga mo! Ke swere molaetša wa kgoši.” Amene. “Ke nna motseta wa kgoši,” lentšu le le hlatsetšwago.

²⁰⁶ Ka nagana, “Sathane, tloga tseleng ya ka! Ke swere Molaetša wa Kgoši. Ke swanetše go ya.”

²⁰⁷ Nako ye nngwe ge ba bolaile Kgoši ya Khutšo, gomme ba Mmeile ka lebitleng, gomme ba tswaletše lebitla, gomme lehu le ila la Mo swara matšatši a mararo le mašego. Eupša ka moso wa Tsogo O be a swere lepara mo seatleng sa Gagwe, gomme a goelega, “Tloga, lehu! Tloga, lebitla! Bulega! Ke nna Molaetša wa Kgoši. Ke swanetše go tla pele ke hlatsela tsogo ye. Ke nna tsogo le Bophelo.” Hallelujah! Ke ikwa gabotse kudu bjale.

Ke Molaetša wa Kgoši. A re O lemogeng, bagwera, gobane re bileditšwe go kopanela mmogo go lleng ga Phalafala. “Gobane Phalafala ya Modimo e tla lla, ka gona nako eka se sa ba gona.”

²⁰⁸ O kgobakeditše Israele. Matšatši a mararo, ka letšatši la boraro O rile O tla e dira. Masomepedi-šupa a makgolo a mengwaga a fetile. Mola letšatšing la boraro O rile o tla ba kgoboketša mmogo, gomme O e dirile. O rile O tla tsebiša tsela ya Bophelo. Ke wena fao, ba nno letela bjale Monyalwa go tloga tseleng gore ba kgone go tla, baporofeta ba babedi, baporofeta ba Baheberu, ba tla lemoga.

²⁰⁹ Le gopola nna ke eme ka Cairo, go ya godimo kua, ge Lewi Pethrus a re, “Ngwanešu Branham, ge ba ka bona seo. . . Ba dumela baporofeta ba bona.”

²¹⁰ Ka re, “Ke selo se sebotse go nna.” Bona ka fao monna a lego? Eupša bona mogau wa Modimo? Ka re, “Ke tla bala Tastamenté ye Mpsaha.” Ba E bala. Lewi o ba rometše, ka godimo ga milione, ka godimo kua, Ngwanešu Lewi Pethrus

go tšwa Sweden. Ba tla E bala, go tšwa godimo-le-fase kua, bona BaJuda; e sego bjalo ka sehlopha se sa baswa ba BaJuda, eupša ka nagalegaeng ya bona. Gomme go tla fase, a re, “Ge yo e le Messiah, a re mmone a dira seka sa moporofeta, re tla e dumela.”

²¹¹ Lewi Pethrus a re, “Ngwanešu Branham, sebaka se seo. Se seo sebaka. Yo mongwe o mpoeditše seo, gore e be e tla ba sebaka. Ke ile ka hwetša mosepelo,” ka re, “thwi fase go ya go yona.”

Monna yo mongwe o tlile kua gomme a dula fao, Ngwanešu Arganbright, a re, “Ngwanešu Branham, seo se tla no nyamis*a Israele! Ba tliše ka ntle pele ga Sona, gomme o ba laetša seka sa moporofeta. Ba tla e dumela.”

²¹² Ka re, “Morena, ke nna yo, ke loketše.” Ka tabogela sefofaneng; ka ntšha tšhelete gomme ka ikhweletša thekethe; ka ema ka Cairo. Ka re, “Eye, ke loketše.”

²¹³ Moya wo Mokgethwa wa re, “Le ga se lefelo la gago. Ye ga se nako ya gago.” Bona, o ya pele ka bowena. Ka nagana, “Oo, nna! Ke kgole go tla mo; ke—ke ya go ya.”

²¹⁴ Se sengwe sa re, “Ema thwi gona mo! O se ke wa be wa ya ka tsela yela. Retologa o ye ka India. O seke wa ya fao. Eya kua India, eupša o seke wa ya mo.”

²¹⁵ Ka gopola, “Ka baka la eng?” Ge ke sepelela ntle ka morago ga ngwako wa go šireletša sefofane, ka re, “Morena Jesu, na se se ra eng?”

Ka gona A dira go ntsebiša. “E sego Montle. Ba baporofeta ke bona.” E swanetše go ba go ya ka Lengwalo. “Moshe le Elia ba swanetše go tla.” Gomme, ntle le moo, Monyalwa ga se a be a tlošwa tseleng bjale. “Gomme bona baporofeta ba tla bowa gomme ba tla dira seka sa moporofeta.” Seo ke Lengwalo. Leo ka moka le phethagetše nako ye, ka go felela, Israele bjalo ka setšhaba e tla tswalwa ka letšatši le tee. Amene! Dietša tša mantšibua di a kganya!

Go tla ba Seetša ka nako ya mantšibua,
Tsela ya go ya Letagong ka nnete o tle e
hwetša;

Ka tseleng ya meetse, ke Seetša lehono,
Bolokilwe ka go le bohlokwa Leina la Jesu.
Baswa le batšofadi, sokologang go tšohle dibe
tša lena,

Moya wo Mokgethwa ka nnete o tla tsena ka
gare;

Tša mantšibua Dietša di tlile,
Ke ntlha gore Modimo le Kriste ke Batee.

²¹⁶ Re nakong ya mafelelo, bagwera. Gomme bjale re nagana ka pina ye ya mongwadi yo a tloeditšwego, ge a rile:

Ditšhaba di a pšhatlega, (se e ka ba
 mengwaga ye lesome hlano ya go feta),
 Israele e a tsoga,
 Dika tšeo baporofeta ba di boleletšego pele;
 A Bantle matšatši a badilwe, (lebelela ditšhila
 tša gagwe bjale) a aparetšwe ke letšhogo;
 Boang, O bašwalalanywa, ga lena.

Letšatši la topologo le kgauswi,
 Dipelo tša banna di feila ka letšhogo;
 Tlatšwa ka Moya wa Modimo, e bang le
 mabone a lena a šišintšwe a bonala,
 Lebelelang godimo, topologo ya lena e
 kgauswi. (Seo ke therešo.)

Baporofeta ba maaka ba a aketša,
 Therešo ya Modimo ba e gana, (a seo ga se
 therešo!)

Jesu Kriste ke Modimo wa rena.

Ga ba dumele Seo. Ba na le ka moka ya dithuto le
 dilo!...?...therešo. Eupša moporofeta o rile...Goba,
 mongwadi yo a tloditšwego o rile:

Re tla sepela fao baapostolo ba gatilego.

²¹⁷ Le gopola ka ponong ya ka? Ke rile, “Ge batho ba Paulo ba
 e ya ka gare, ka fao le baka, ka baka la gore ke no dira tlwa go
 no swana le ka mo a dirilego.” Ke dutše thwi le Yona.

Bona ba dimilione ba lahlela matsogo a bona, ba re, “Re
 khutšitše godimo ga seo!”

Eng? Lemoga letšatši le re le phelago, nako ye re e phelago,
 seka sa nako ye re phelago go yona. Go ka be go latile go feta
 ka mo re gopolago. Le lengwe la matšatši a, a yoo a lego ka
 ntle a fele a dutše ka ntle. Yo a lego ka gare o swanetše ka go
 sa felego a fele a le ka gare. Lemati le tla tswalelwa.

²¹⁸ Ge go le ba bangwe mo mosomong wo bao ba sego ba ke ba
 sepelela ka gare le bjale, oo, ka Leina la Jesu, batho baka ba ba
 rategago...

O seke wa lebelela mohlanka yo wa go se tsebe selo
 a emego mo, a sa tsebego go bala, a sego a rutwa, a sego a
 rutega; le seke la lebelela seo. Eupša lebelelang Lentšu leo le
 hlatselwago. Lebelelang Moya wo Mokgethwa wo mogolo Wo
 o Le bonagatšago go ba Therešo. Re nakong ya mantšibua. Ke
 llata go feta ka mo o gopolago. O seke...

²¹⁹ Basadi, lesang meriri ya lena e gole. Kgaetšedi, ka kgopelo
 tloša tšona dikobo tša ditšhila. Lahla tšona disekerete kgole.
 Gobane iri e tla tla, gore, “Yo a lego ditšhila, a a fele e le wa
 ditšhila; gomme yo a lokilego, a a fele a lokile. Yo a lego ka
 gare o ka gare; yo a lego ka ntle o ka ntle.” Wo monnyane,

motaladi wa go tswalela, “Ge monna wa moloki a tla phologa ka bosesane, o tla ba kae modiradibe le mohlokamodimo,” Mogana-therešo, o a tseba, “ba tla tšwelela kae?”

A re kobeng dihlogo tša rena.

²²⁰ Bjale, ka Seetša sa iri yeo re e phelago bjale, Seetša sa letšatši leo re phelago go lona; ba bohlokwa le barategi batee, lena bao ba tšwago dinageng tša go fapana go kgabaganya naga, a rena bjale, gomme nna le lena, godimo ga aletara ye, a re tšeeng boinyakišišo. O bjang Moya wa Modimo ka dipelong tša rena lehono? Gopolang, ke Moya wola, wo o sa ahlolwago, wo o sego wa tšhilafatšwa; ye nngwe le ye nngwe thuto ya kereke, gomme le se sengwe le se sengwe, se ile ka go felela.

²²¹ O seke wa leka go oketša go Seo goba go fokotša go tšwa go Lona. Ka gore, ge o leka go bea tlhathollo godimo ga Lona, ka bowena, karolo ya gago e tšewa go tloga Pukung ya Bophelo. A o leka go bolela se sengwe seo Moya o sego wa se bolela? A o leka go Le dira gore Le kwagale o ka re Le boletše se sengwe? Goba, o no Le tšea tlwa seo Le se boletšego, gomme o Le tlogetše ka mokgwa woo? A o a kgomaganya, ripa, gatiša, o dira dilo tšeo di sego tša loka? A o dirile?

²²² O re, “Go lokile, ke no se ikwele gore ke swanetše go dira se. Goba, mohlomongwe, ke—ke—ke a tseba kereke ya ka ga e Le dumelo. ‘Leo e no ba lentšu la monna yo mo tee ka Lona.’”

Yo motee Monna ke Modimo. Beibele mo e re ga wa swanela go ripa moriri wa gago. Bakhwi... Beibele e boletše seo. “Go tla tla phethegong gore basadi ba tla apara diaparo tša go swana le tša monna, gomme ka fao ba tla bago makgapha go Modimo.” Ka mokgwa wo Moya wo Mokgethwa o boletšego ka sona, se sa go kokobela, sa go se be le maswanedi sebjana seo se nago go direga sa be se eme se le gona mo nakong yeo Kgoši ye kgolo e rilego, “šele lebitla la Ka... Lentšu la Ka. šele Leparala la Ka, ke ra gore. Tšea Leparala la Ka, gomme o ye pele, gomme tliša Molaetša.”

²²³ Ke a tseba dikereke tša maina di lekile go O thibela, le go O bušetša ka ntle, le go O kitimišetša ntle, le go O ragela ntle, le se sengwe le se sengwe. Eupša, ka mogau wa Modimo, ke mo tseleng ya ka, ke goelela go tloga setšhabeng go ya setšhabeng, go tloga lefelong go ya lefelong, go tloga kerekeng go ya kerekeng, “Etšwang ka go wona!” Ga wa tuma, eupša Ke Therešo.

²²⁴ A o ka O amogela ka—ka—ka Moya wo O ngwadilwego ka wona? A o ka O amogela ka Moya wo O neetšwego ka wona? Ge o se wa be le bjale. . . Ga re phapuši ya aletara; pelo ya gago ke aletara. A o ka emiša seatla sa gago, o re, “Modimo, e ba le mogau ka botlalo go nna. A nke Moya wa Modimo o tle ka go nna, o ntshole bjale go tšohle tša ka dibe, le go gakanega, ka moka mekgwa ya ka ye mebe, le go fela pelo ga ka ga godimo, le go bakiša, le go lwa, le go kgorometšana, le tšohle tše ka

go ba natšo. Gomme ke tseba se sengwe, gore moya waka ga o bosele Legodimo. Ntire yo mbose, Morena, mo nako ye ya mafelelo. Ye e ka no ba thero ya mafelelo ke tla e kwago. Ye e ka no ba nako ya mafelelo ke tla kwago Molaetša. Ke emiša seatla sa ka. Modimo, e ba le mogau ka batlalo go nna.”

225 Modimo a go šegofatše. Tše lesomepedi diatla. Bjale, feela nako ya khomolo ya thapelo go wena. Lena ba le emišitšego diatla tša lena, go laetša le sa na le kgahlego. Go bonala go nna o ka re Moya o sa bitša yo mongwe.

226 Modimo wa Lerato, Wena O tsebago dilo ka moka. Gomme O diretše dilo ka moka morero wa dilo ka moka, ka gore, ba bangwe ba swanetše go ahlolwa, ba bongwe ba swanetše go foufatšwa; ba bangwe, “bjalo ka mmopi yo a bopilego sebjana,” bjalo ka Paulo a rile, “se sengwe sa go hlomphega gomme se sengwe sa go se hlomphege.” Se sengwe se diretšwe go se hlomphege, e be e no ba go laeletša pele seo se swanetše go hlomphega. Eupša a ga se ka seatleng sa Mmopi go dira seo A se ratago? A ga se ka kgethelongpele ya polane ya Modimo, go bitša? “Bao a ba tsebilego pele, O ba biditše. Bao A ba biditšego, O ba lokafaditše. Gomme bao Bona A ba lokafaditšego, O ba tagafaditše.”

227 Mohlomongwe ba bangwe ba bona mo lehono o bjalo ka mosadi yo monnyane sedibeng, a arogile ka ditšhila, a arogile ka go se dumele, a arogile ka metlwae ya motho, dithuto tša batho—tša maitirelo. Mohlomongwe nako ya mathomo ge ba kwele dilo tše, eupša se sengwe seo se sego sa tlwaelega sa sebotša dipelo tša bona. Go na le se se ntšhi, tše ntšhi diatla di ile godimo, Morena. A nke Mmopi yo mogolo a tšee sebjana sela bjale gomme a se bope e be sebjana sa go hlomphega. Ke a dumela fao go na le lebaka, Morena, goba ba be ba ka se dire seo, ba ka be ba sa bolele seo. Ke sa dumela, ke swaretše bona.

228 A mohlanka wa Gago yo a kokobetšego a kgopele, Morena. A re ba kgopeleleng, bjalo ka yo motee yo a emego magareng ga ba ba phelago le ba ba hwilego; bjalo ka yo motee yo ka Sodoma a bego a kgopelela Basodoma, “Etšwang ka go yona! Etšwang ka go yona, ka pela!”

229 A nke ba tle, Morena, ka boikokobetšo le bose teroneng ya Modimo bjale, ka dipelong tša bona, ba re, “Jesu, go tloga letšatši le, go ya pele, O tla ba wa ka. Ke dira kano go Wena bjale mo, ge ke dutše mo ka setulong se moo Moya wa Gago o nteilego. Ge O nteile mo, ga ka swanela go ya kgole mo gongwe go feta thwi mo. Thwi mo ke fao O gahlanego le nna; thwi mo ke fao re yago go e lokiša; thwi mo setulong sa bobedi, setulo sa boraro, setulo sa bohano; e ka ba sefe. Thwi mo ke fao e yago go rarollwa gona, gobane mo ke fao O nkahlotšego, gomme mo ke fao O tshephišitšego go e dira e loke. Ka fao le ge

nka ba ditšhila le go tšhilafala, ke tla dirwa yo mošweu bjalo ka lehlwa. Ke tla dumela ka moka Lentšu la Gago. Ke loketše go sepela ka go Lona, ke a Le dumela, ke a Le amogela.

“Gomme bjale ke direla se letago la Modimo, ke tseba gore bophelo bjaka ga se bja loka go nna, ga bja loka go Modimo, ga se bja loka go baagišane, ga se bja lokela selo se sengwe; gabonolo feela bo no lokela diabololo, go dira se—se seebela go tšwa go nna, go ntahlela go dikologa gohle, mohlomongwe go ba seralokiši sa monna yo mongwe go hlokomelwa, mohlomongwe modingwana wa mosadi yo mongwe. Modimo, ntire mohlanka wa Gago.” Fa seo, Morena. Ke di neela go Wena bjale, ka Leina la Jesu Kriste, Morwa wa Gago.

Ka dihlogo di kobilwe, le dipelo tša rena.

Ke kgona go kwa Mophološi waka . . .

Ka tlhokofalo, bagwera. E ka no ba nako ya gago ya mafelelo. O kgona go kwa Lentšu le lennyane lela?

. . . bitšago,

Ke kgona . . .

Ke eng A bitša . . . Ke eng se se go bitšago, ge Mophološi wa gago a? Lentšu.

. . . Mophološi a bitša,

Ke eng seo o swanetšego go se dira? Gana lefase.

Gomme tšea sefapano saka gomme o latele,
latele . . .

“Ke kganyeditše kolobetšo ka Leina la Jesu, Morena.”

Ke tla ya le Yena go putla serapa,

Ke tla ya . . .

Le Yena, kae? Go putla meetse, go putla serapa, go putla mo gohle; ntlo ya thapelo, ka magobeng, mo gohle. Tšea sephetho sa yona!

. . . go ya le Yena go putla serapa,

Ke tla ya le Yena, le Yena tsela ka moka.

Ke tla ya le Yena go putla kahlolo,

(go ba Lentšu le a rereša goba kereke e a
rereša),

Ke tla . . .

“Goba ke lokile, goba O lokile. A letswalo laka le lokile, goba a Lentšu la Gagwe le lokile?” Le mo lefelong la kahlolo bjale. “Seo ke se dumetšego, a se lokile, goba Lentšu la Gagwe le lokile? A ke gopola gore go lokile go ba le moriri wo mokopana, go apara mafonokana? A ke dumela gore go lokile go ba wa kereke ya leina?” A O rile eng?

Ke tla ya le Yena, le Yena tsela ka moka.

Bjale moo A ntlhahlelago ke tla latela,

Ke na le diatla tša ka godimo, le nna, Morena. Morena, e ka ba kae, ke kae mo Molaetša wo o latelago o yago go rerwa? A ke morago mo, bošego bjo, ka kua Afrika, Germany, Switzerland? E kae, Morena?

Moo A... (kae goba kae O ntlahlelago,
Morena)... nna ke tla latela,
Ke tla ya le Yena, le Yena tsela ka moka.

Bjale le dihlogo tša lena di kobegile.

²³⁰ A o tla ya le Yena mo gohle A go hlahlelago? A o tla ya le Yena ge dinako di kitimela fase, batho ba tlaiša, ba sega, ba dira metlae? “Ke tla no fele ke na le Yena. Ke tla no fele ka sa ya. Ke tla sepela thwi le Wena, Morena, mo gohle Mo o lego. Ka tla no fele ke eme ke tshephega le therešo. Mo phišong ya ntwa, ke tla no fele ke eme ke tshephega le therešo. Ge ke ewa, O tla ntsoša gape, Morena. ‘Yo a lahlegelwago ke bophelo bja gagwe ka baka la Ka o tla bo hwetša.’”

Ka fao ke tla ya le Yena, le Yena ka moka . . .

²³¹ Bjale bohle ba ba rago seo, go tšwa pelong ya gago, a re emišeng diatla tša rena bjale, le dipelo tša rena, go Yena.

Mo A ntlahlelago ke tla latela,
Mo A ntlahlelago ke tla latela,
Mo A ntlahlelago ke tla latela,
Ke tla ya le Yena, le Yena tsela ka moka.
O tla mpha mogau le letago,
O tla mpha . . .

Morena Jesu, hemella godimo ga disakatuku tše bjale. Fodiša balwetši ba le ba ba tlaišegilego, Morena. Fa se, Morena. Ba fe phodišo, Morena, ka Leina la Jesu.

Gomme ya le nna, le nna tsela ka moka.

²³² Le ikwela gabotse bjale? [Phutego e re, “Amene.”—Mohl.] Ikwela e loketše ka moka bjale? [“Amene.”] Ge A . . .

Phalafala ya Morena e tla lla, gomme nako e
ka se sa ba gona, (ye ke Phalafala yela ya
mafelelo, bjale)

Gomme moso o hlaba ka go sa Felego, o
kganya le botse.

A re e opeleng, ka moka ga rena bjale. “Mohla Phalafala ya Morena e tla lla.” Re feng senotlelo.

Mohla Phalafala ya Morena e tla lla, go mme
nako e ka se sa ba gona,
Gomme moso o hlaba ka go sa Felego, ka
kganya le botse;
Mohla baphološwa ba lefase ba tla kopana
kua lebopong le lengwe,
Ge maina a bitšwa godimo ka kua, ke tla ba
fao.

Ge maina a bitšwa godimo ka kua,
 Ge maina a bitšwa godimo ka kua,
 Ge maina a bitšwa godimo ka kua,
 Ge maina a bitšwa godimo ka kua, ke tla ba
 fao.

Ka moso wola wa go kganya wa go hloka
 maru ge ba hwetšego go Kriste ba tla tsoga,
 Gomme letago la tsogo ya Gagwe ba le
 abelana;

Ge nako yeo bjohle bophelo bo fedile, gomme
 mošomo wa rena lefaseng o dirilwe,
 Gomme maina a bitšwa godimo ka kua, ke tla
 ba fao.

Ge maina a bitšwa godimo ka kua,
 Ge maina a bitšwa godimo ka kua,
 Ge maina a bitšwa godimo ka kua,
 Ge maina a bitšwa godimo ka kua, ke tla ba
 fao.

²³³ A re emišeng diatla tša rena, re re, “Ka mogau wa Gago, Morena.” Ka mogau wa Gago, Morena! [Phuthego, “Ka mogau wa Gago, Morena.”—Mohl.]

Bjale, re banešu le dikgaetšedi go Kriste. A re nogo retologa gomme o no šišinya diatla le yo mongwe kgauswi le wena, gomme o re, “Ka thušo ya Modimo, ge maina a bitšwa godimo ka kua!”

Ge maina a bitšwa godimo ka kua,
 Ge maina a bitšwa godimo ka kua,
 Ge maina a bitšwa godimo ka kua,
 Ge maina a bitšwa godimo ka kua, ke tla ba
 fao.

Ke eng seo re se emetšego?

Mohla Phalafala yeo (ya mafelelo) . . . ya
 Morena e tla lla, gomme nako e ka se sa . . .
 (Dirile phuleletša ka Boka go safelego, “Ke
 bonakonyana, ka panya ya leihlo.”) . . . le
 botse;

Gomme ka nako yeo ge baphološa ba lefase ba
 tla kopana ka lebopong le lengwe,
 Ge maina a bitšwa godimo ka kua, ke tla ba
 fao.

A re nago e opelela ka ntle!

Ge maina a bitšwa godimo ka kua,
 Ge maina a bitšwa godimo ka kua,
 Ge maina a bitšwa godimo ka kua,
 Ge maina a bitšwa godimo ka kua, ke tla ba
 fao.

²³⁴ Oo, a e ka se be nako! Go no sepela mmogo, tšatši le lengwe, gomme mo go tšwelela yo mongwe. “Ke eng? Mma!” Amene! “Ga e ye go ba botelele bjale.” E no ba metsotso e se mekae, o fetogile. Gomme re tla...gahlana le bona, ka gona ra tšeelwa godimo ga mmogo le bona, go gahlanetša Morena moyeng. Oo, ka nakonyana, ka panya ya leihlo. O re, “šo Ngwanešu Seward, ngwanešu wa go tšofala o be a fela a e ba kerekeng mo! Ka ba ka la eng, šo Ngwanešu DeArk. šo Ngwanešu *Semang*...Ka baka la eng, lebelela mo, ka moka ba ntikologile! Na molato ke eng? Mo e no ba metsotso e se mekae...ke a tseba ba tšweleletše go nna. Ga e ye go ba botelele bjale. Ke ya go fetolwa bjale, ka nakonyana, ka nakonyana.” Oo, eye! Gomme moso o hlaba Kagosafelego, o kganya le bose. Ka moka maru a sephiri... .

²³⁵ A rile, “Israele, o be o le bjalo ka leru la mesong, lefokameetse, gomme toko ya gagwe e a nyamalala.” Gomme ge ka moka ge le nyamaletše ka Seetšeng sa Morwa Yo a e swerego ka moka, amene, ka nako yeo, “Maina a bitšwa godimo kua, ke tla ba fao.” Ka moka go lokile.

Go fihla bošego bjo:

Go fihla ge re kopana! Go fihla ge re kopana!

Ga re tsebe gore ka nako mang se se tla diregago, bagwera. E be e le setori, nakong ye telele, eupša ke Therešo, gomme e tla direga. Re thwi mo nakong bjale.

Go fihla—go fihla re kopana, go fihla re... .

Ka mogau wa Modimo, re a tshepha, ka seripa-gare go tšwa go šupa bošegong bjo.

Modimo a be le lena go fihla re kopana gape.

A re emeng bjale ka maoto a rena.

²³⁶ Oo, a ga e makatše kudu? “Se ke mafelo a tša Legodimong ka go Kriste Jesu.” E ka seke ya fetola se ka selo. Le tseba ka fao ke ratago go thea dihlapa le ka fao ke ratago go tsoma, ka gore ke bona Modimo ka ntle kua lešokeng. Ke a go rata. Eupša, oo, ga se ke fetole motsotso o tee wa se, ka boitemogelo ka moka bja mengwaga ye lekgolo. O motee motsotso wa se, kgotsofalo yeo!

²³⁷ Modimo, bopa ka go nna tsošeletšo. A nke ke be tsošeletšo. A nke yo mongwe le yo mongwe wa rena a be tsošeletšo, tsošeletšo ka go nna. Dira nna, Morena, gore ke swarwe ke tlala, dira nna gore ke nyorwe. Bopa ka go nna, Morena, seo se nyakegago ka go nna. A nke, go floga ka iri ye go ya pele, ke be wa Gago; ka botlalo mohlanka yo a neetšwego, mohlanka yo mokaone, ka botlalo a šegofaditšwe ke Wena; ka botlalo a kgona, ka batlalo a kokobetše, ka botlalo a lokile, ka botlalo a rata go šoma; ka botlalo a lebeletše go dilo tše di lego tša

lehlakori le le lekaone; gomme a lebetše dilo tše di fetilego, le tša lehlakori le lebe. A nke ke phegelele go ya senepšeng sa pitšo ya godimo ya Kriste. Amene.

Yeo ke tumo ya rena, a ga se yona? [Phuthego e re, "Amene."—Mohl.]

Tšohle di lokile, a re, go fihla re kopana bošegong bjo, a re tšeeng Leina la Jesu le rena bjale, yo mongwe le yo mongwe wa lena bjale.

Tšea—tšea Leina la Jesu le wena,
Ngwana wa manyami le mahloko;
Le tla go fa thabo le khomotšo,
Le tšee mo gohle mo o yago.

Leina le Bohlokwa, Oo le bose bjang!
Kholofelo ya lefase le thabo ya Legodimo;
Leina le Bohlokwa, Oo le bose bjang!
Kholofelo ya lefase le thabo ya Legodimo.

Bjale a re inamišeng dihlogo tša rena.

Tšea Leina la Jesu le wena,

Bjalo ka kotse go tšwa molabeng wo mongwe le wo mongwe;

Ge meleko go go dikologa e kgobokana . . .



GO LEMOGA LETŠATŠI LA GAGO LE MOLAETŠA WA LONA NST64-0726M
(Recognizing Your Day And Its Message)

Molaetša wo ka Ngwanešu William Marrion Branham, mathomong o abilwe ka Seisimane ka Sontaga mosong, Julae 26, 1964, mo Branham Taberenekele ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org